

百代医宗

九

刻太醫院頒行內外諸科方論百代醫宗目錄

甲集卷之一

原病賦

諸証綱目論

亢則害承乃制論

古菴論

真中風河南山東風土之氣論

類中風証論

類中風江西浙江楚地南直四處地方總論

火証方論

飲食勞倦論

辯筋骨四肢論

氣少氣短論

失聲啞聲不同論

酒病論 聲音論

手背手心辯熱論

氣升論

隨証治血藥論

隨証治火藥論

木腎論

腎癢論

內外因脈歌

不內不外因脈歌

血榮氣衛論

火濕分治論

治病必求其本論

受胎論

婦人病原論

經病論

崩漏論

赤白帶下論

胎前論

胎前諸症論

產後三証論

硬乳論

藥性賦

乙集卷之二

診脈切要

左右手寸關尺三部診法

上下來去至六脈解

七種怪病歌

驗止斷死歌

五臟六腑人迎氣口分別論

四字脈訣

浮沉遲數診脈切要訣

十二支年分運氣

五運時行民病証治方畧

六氣時行民病証治方畧

五運主病切要

六氣為病切要

按四季順時節宣論

十二經見証切要

十二經絡臟腑病情藥性切身要錄

天干臟腑所屬定位

地支臟腑所屬流注

藥方名條治病捷應賦

瘡門捷徑用藥法

六經用藥確法

用藥根身稍三法

五味用法

五入五走

五多五傷

煑煉鹿角霜膠法

辯用硝黃巴豆誤人論

治十腫水氣病根主藥

丙集卷之三

風論

該傳大附子性

寒論

瘟疫論

附中寒論

暑論

附注夏論

濕論

燥論

火論

六鬱論

痰論

咳嗽論

哮論

喘論

丁集卷之四

癰論

痢疾論

嘔吐論

泄瀉論

霍亂論

水腫論

陰腫論

脹滿論

積聚論

癥瘕論

虛損論

癆瘵論

怔忡論

顛狂論

諸癇論

血論

五痺麻木論

秘結論

黃疸論

戊集卷之五

剛柔二症論

翻胃膈噎論

頭痛論

腹痛論

腰痛論

腸痛論

胸氣論

痛風論

痿論

盜汗自汗論

厥論

三消論

內傷論

吞酸吐酸論

新增木腎論

便濁遺精論

新增漏濁論

已集卷之六

淋閉附遺尿小便不禁論

欬逆論

嘈雜論

痞滿論

邪崇論

眩暈論

惡心論

惡寒論

發熱論

諸氣論

丹溪活套云

傷食論附傷酒方

關格論

結核論

梅核論

癘風論

跌撲傷損論附金瘡湯火等瘡

破傷風論

心痛胃脘痛論

注夏論

胃風論

脫肛論

腸風疝毒論

痼冷論

與集卷之七

耳論

鼻論

口舌唇三論

丹溪活套

牙齒論

面論

咽喉論

目疾証候

眼科所用藥性

目論

各臟所屬宜用某方并附詩訣

鍼灸類

服藥合藥煎藥訣

用蜜煉蜜法

點眼藥訣

辛集卷之八

婦人科總論

疝瘕論

血風肢體骨節痛疼論

疝瘕論

血膈論

經脈論

崩漏論

赤白帶下論

胎前論

期嗣論

轉胞論

產育論

生產分症七產論

產後論

附血分水分論

產後腫法病機要畧

謹按伯岐論

乳汁不通論

附婦人陰瘡交接出血陰挺陰癢陰蟲等症論

小產論

附產後一十九症問答奇方出自葛奎亭秘書

頸項強痛論

流注論

赤白遊風論

壬集卷之九

小兒脈法總歌

小兒科論

五癩論

諸疳論

黃疸論方

遺尿尿濁二論

語遲牙遲行遲總論

膿耳論

癰疾論

附小兒五疳病源效方

附錢仲陽小兒諸疳論

諸蟲論

蠱毒論

鼻病論

大小便閉論

桃生論

吐瀉論

腹脹論

疝疝論

解顛論

脫囊論

脫肛論

疔疔論

美舌論

龜背論

癸集卷之十

痘疹論

疹論

外錄痘疹方論于后

附陳氏痘瘡症

方論

癩疽瘡瘍論

乳硬乳癰論

痔漏論

癰論

疔瘡論

楊梅瘡論

背發腦發鬚發髭發四總論

疥癬論

臙瘡論

鎖喉瘡論

發乳瘡論

赤瘡瘡論

纏腸瘡論

骨槽風瘡論

五疔論

火赤瘡論

魚脊瘡論

喉閉瘡論

火殞瘡論

鴉踏瘡論

紅絲瘡論

陰觸瘡論

漏睛瘡論

新刊大醫院頒行內外諸科百代醫宗十卷目錄終

醫宗十卷目錄終

興隆大醫院頒行內外諸科方論百代醫宗卷之九

大醫院醫官

金谿

省吾 涂紳

振吾 張文英

金陵 少泉 李潮 刻

小兒脈法總歌

小兒有病須憑脈一指三關定數息遲冷數熱古今傳浮風沉積當先識
左手入迎主外症右手氣呈內疾外候風寒暑濕侵內候乳食痰積致洪
緊無汗是傷寒浮緩傷風有汗液浮洪多是風熱盛沉細元因乳食積沉
緊腹中痛不休弦緊喉間作氣急緊促之時疹痘生緊數之際驚風至
虛軟慢驚作瘵癡緊實風癩發搐搦軟而細者為疳虫牢而實者因便閉脈
芤太便中血虛濡有氣兼驚悸滑主露濕冷所傷弦急客忤君須記大
小不當為惡候二至為脫三至卒五至為虛四至指六至平和曰無疾七至
八至病充輕九至十至病勢極十一二至死無疑此訣萬中無一失

小兒科論

嘗謂人之生也稟天地之陰陽受父母之精血交感凝合以爲胞胎也乾道成男坤道成女先生右腎爲男阴包阳也先生左腎爲女阳包阴也其次腎生脾脾生肝肝生肺肺生心以生其勝已者也腎屬水故五臟由是爲阴其次心生小腸小腸生大腸大腸生膽膽生胃胃生膀胱膀胱生三焦以生其不勝已者也小腸屬火故六腑由是爲阳其次三焦生八脉八脉生十二經十二經生十二絡十二絡生一百八十絲絡絲絡生一百八十纏絡纏絡生三萬四千絲絡絲絡生三百六十五節骨節骨生三百六十五大穴大穴生八萬四千毛竅則耳目口鼻四肢百骸之身皆得備矣所謂四月形像具五月筋骨成六月毛髮生七月遊其魂兒能動左手八月遊其魄兒能動右手九月三轉身十月滿足母子分解有延月而生者必生貴子不足而生者必主貧薄余所驗之久矣其降生之後大半胎毒而少半傷食其外感風寒之証十一而已其

所曰變蒸曰痘疹曰斑爛曰驚悸曰風癇曰發搐曰痰壅曰赤瘤曰白
禿曰解顛曰重舌曰木舌以上之証皆胎毒之所致也夫小兒之在腹
也母飢子飢母飽子飽辛辣適口胎氣隨熱情慾動中胎息輒躁或
食煎燖辛酸之味或喜怒不常或嗜慾無節皆能令子受害其為母者
胎前不能謹節產后不能調護或未滿百晷而與之鹹酸未滿一周而
與之肥甘之味所以病從此生曰吐瀉曰黃疸曰五疳曰腹脹腹痛曰
水腫曰瘡痢痰喘是傷食調養失宜之所致也小兒脾胃本自嬌脆易
於損傷且如乳食傷胃則為嘔吐乳食傷脾則為泄瀉吐瀉既久則成
慢驚或為疳病乳食停積則生濕痰痰則生火痰火交作則為急驚或
成喉痺痰火結滯則成癰吊或為喘嗽疔症蓋小兒多有濕熱食積痰
熱傷乳為病大抵肝與脾經受病居彛肝只是有餘脾只是不足正所
謂陽氣既足陰血未全者也故曰稟純陽之氣為熱彛也不宜過於溫
煖衣不裘帛襦袴所以太過於煖恐傷陰血下體屬陰得寒涼則陰易

長腸胃尚脆其有魚肉麵食煎燻稠粘堅硬生冷瓜果之類不可克腸皆宜禁之自無疔癰積聚之証前云及驚風者蓋亦有二焉其慢驚者脾虛所致先實脾土后散風邪固當養脾宜溫補之其症最難調治急用硃砂安神丸參朮湯送下更於血藥中求之其急驚風者屬於痰熱宜以涼瀉之只用降火下痰丸培養血藥作湯送下瀉痢將成慢驚者用錢氏白朮散加山藥扁豆肉豈菘麵裹煨用各宜一錢若慢驚已成者加細辛天麻各宜一錢全蝎三個白附子八分麵裹火煨用之其有急慢驚風發熱口瘡手心伏熱痰熱喘嗽並用吐法重劑瓜蒂散輕劑苦參赤小豆末瀆用酸齏汁調下稠有定息更用通聖散密丸之而服又用桑牛陰乾為末調服以平其風桑牛者桑樹上所產其色黃白者是也內經曰諸風掉眩皆屬肝木小兒八歲以前曰純陽蓋其真水未旺心火已炎故肺金受尅難以平木故肝木常有餘脾土常不足或衣服寒暄不調以致外邪侵襲或飲食飢飽失時以致中風損傷急慢驚風從

此走矣急驚者肝木風邪痰熱有餘之証治當用清涼之藥瀉之慢
驚者脾土中虧不足之証治當用甘溫補中之藥是也若夫急驚之証
因聞不常之聲或遇駟馬禽獸狗畜之唬以致面青口噤聲嘶癡厥過
則容色如故良久復作身熱面赤引飲口鼻氣熱二便黃赤惺惺不睡
因熱盛生痰痰盛則生風偶因驚而發宜用錢氏利驚丸抱龍丸宣風
散五福化毒丹最爲切當慢驚之証多由飲食不節損傷脾胃以致吐
瀉之久中氣太虛而致發搐發則不休身冷面黃不渴口鼻氣寒二便
清白昏睡露睛目翻上視手足瘳癱筋脈拘攣因脾虛則生風風盛則
筋急俗名天弔風者卽此証也治宜用東垣黃芪湯錢氏鈎藤散溫白
丸丹溪參朮湯送下硃砂安神之類錢氏言急驚爲無陰之証因心經
實熱而陰不能以配陽是爲陽盛陰虛之候也言慢驚爲無陽之証因
脾土虛甚而陽不能以勝陰是爲陰盛陽虛之証也故急驚者十生一
慢驚者十死一生二証決不可紊一途而治也所以曰望聞問切望

者鑑貌也假如面部在腮屬肝右腮屬肺額屬心鼻屬脾頰屬腎肝病則面青肺病則面白心病則面赤脾病則面黃腎病則面黑是乃望而知之者神也聞者聽聲也假如肝病則聲悲肺病則聲促心病則聲雄脾病則聲慢腎病則聲沉此屬於臟也大腸病則聲長小腸病則聲短胃病則聲速膽病則聲清膀胱病則聲微此屬於腑是皆聞而知之者聖也問者問食味也假如好食酸則肝病好食辛則肺病好食苦則心病好食甘則脾病好食鹹則腎病好食熱則內寒好食冷則內熱是乃問而知之者工也切者切脈也假如小兒三歲以下有病須看男女左右之手虎口三關從第二指一節名曰風關二節名曰氣關三節名曰命關辨其紋色紫者屬熱紅者傷寒青者驚風白者是疰病黑者中惡黃者脾之困也若色之見於風關者為輕見於氣關者為重過於命關者難治至三歲以上用一指按寸關尺三部常以六七至為率添則為熱減則為寒浮洪風盛數則多熱沉遲為虛沉實為積是乃切脈而知

之者巧也。須然望聞問切而知病。又當驗病察源。所以胎熱胎寒。先在母之腹中受病。云其椽口臍風者。風濕侵臍胎元。有毒鵝口瘡者。胃中濕熱也。重舌木舌者。脾經有實火也。走馬牙疳者。氣虛濕熱也。好吃泥土者。脾臟生疳。胃中氣熱也。驚叫夜啼者。邪熱乘心也。變蒸發熱者。胎毒將散也。丹毒者。火行於外也。蘊熱者。火積於中也。中惡者。外邪乘之。睡驚者。內火動之。喉痺者。為熱毒。眼痛者。為火盛。膿耳者。腎氣上冲。鼻塞者。曰胃風。和頭瘡者。熱毒所攻。臍瘡風濕所中。尾骨痛者。陰虛有痰也。其尾骨在臀光盡處。是太陽所過之穴。諸虫痛者。胃氣之傷。濕熱之變。陰腫疝氣者。寒氣鬱也。盤腸氣痛者。冷氣搏也。脫肛者。大腸虛滑也。遺尿者。膀胱冷弱也。尿濁者。濕滯脾胃也。便血者。熱傳心肺也。下淋者。膀胱鬱熱也。吐血者。榮衛氣逆也。小便不通者。氣血虛。膀胱有痰也。大便閉結者。熱耗其血。大腸滯也。解顛者。胎元不全也。行遲髮遲。氣血不克也。龜背者。風邪入脊也。語遲者。邪乘心也。齒遲者。腎不足也。癩者。

膈上有痰痢者腹中食積咳嗽者風傷肺也喘急者痰火盛也心膈者
重所嚙也腹痛者食所傷也內傷發熱則口苦咽乾外感發熱則鼻塞
聲重腹脹重者脾胃虛弱也水腫者土虧水旺也黃疸者脾胃濕熱也
斑疹者陰陽毒氣也自汗者氣虛也積者有常位有形之血也聚者無
定向無形之氣也胃者主納受也脾者司運化也脾胃壯實一身安寧
脾胃虛弱百病由生故曰調理脾胃乃醫中之王道節戒飲食是却病
之良方

一譙有二証一有熱痰為急譙當吐瀉之一有脾虛為慢譙當養脾
急譙宜降火下痰養血慢譙先宜實脾後散風邪硃砂安神丸更求血
黃芪湯 治慢譙風之神藥查論中病証并加減施之

黃芪

二錢
蜜炙

人參

一錢

甘草

炙五
分

加白芍

一錢炒

右切一劑煎服

以上三味俱甘能助元氣甘又能瀉火內經曰熱淫於內以甘瀉之以

酸收之故白芍酸寒能瀉火酸味能瀉肝而補肺金所補得金
火旺火虛風木何由尅土然後瀉風之邪

錢氏安神丸 治邪驚啼心疳面黃頰赤壯熱証

麥門冬

馬牙硝

白茯苓

乾山藥

寒水石

炙甘草

硃砂一兩

龍腦少許

右為末煉蜜丸如芡實大每用半丸砂糖水磨下如慢驚煎參朮湯磨

送下

錢氏白朮散

治積痛和胃生津瀉痢欲成慢驚服此即効

人參

白朮

木香

白茯苓

甘草

藿香

各一錢

乾葛二錢

右切分二劑煎服

丹溪加白芍白扁豆各一錢仍加肉豆蔻覆籛加細辛天麻各一錢全

蝎三個去頭足超白附子右同煎

急慢驚風湯

薄荷

寒水石 各五錢

青黛

白僵蚕

硃砂

全蠍 二個

皂角

槐角 各五錢

右為末燈草湯和乳汁調時時灌下右是一料

慢驚風 母子同服

人參

白朮 各一錢

白茯苓

陳皮 各五分

甘草 二分

薄荷 二分

天麻 七分

細辛 七分

全蠍 二枚去首足翅

右切一劑煎服

鎮驚丸 鎮驚寧神退心熱夜啼化痰止咳証

珍珠 一錢

琥珀

天竺黃

雄黃 各三錢

金薄 十片

膽星 五錢

牛黃 二錢

射香 五分

硃砂 三錢五分

右為末麩糊丸梧桐子大每用五六丸薄荷湯下

利驚丸 治急驚風神效

天竺黃 二錢 輕粉

青黛 各一錢

黑丑 頭末半兩生用

右為末煉蜜丸梧桐子大每歲兒一丸二歲二丸五歲兒三丸

湯送下

瀉青丸即瀉肝丸 治肝熱急驚搐搦等証

羌活

煨大黃

川芎

梔子

龍胆草

當歸

防風

右等分為末煉蜜丸如菴子大每用半丸至一丸淡竹葉湯化砂糖少許下

牛黃抱龍丸 治小兒急慢驚風痰嗽潮搐及傷風瘟疫身熱昏睡氣粗

風熱

痰實壅嗽喘急並宜服之及痘疹首尾可服此藥能鎮驚安神寧心定志除熱化痰止嗽定喘實小兒宜時少與服之則免痰熱驚風証

南星 為末臘月入牛胆中陰乾一百日取出研細一兩

天竺黃 五歲雄黃二錢

辰砂 二錢

射香 一錢

珍珠 一錢

琥珀 一錢

牛黃 五

金薄十片 為衣

右為末水煮甘草膏為丸如芡實十大金薄為衣三歲兒進一九五歲者進二九十歲者進三九滾水待温磨下驚風薄荷湯下

五福化毒丹 治急驚痰熱搐搦等証

桔梗微炒 玄參焙六兩 青黛二兩 牙硝枯三兩 人參二兩

白茯苓五兩 甘草炙一二兩 五錢 金箔八片 為衣 銀箔八片 為衣 射香五分

右為末煉蜜丸每一兩分作十二九一歲兒進一丸作四服薄荷水磨下或痘疹上攻口齒涎血臭氣用生地黃自然汁化下一丸又用鷄翎掃口內

鈎藤飲 治吐利脾胃氣弱虛風慢驚証

鈎鈎藤五分 蟬退 防風 人參 白殭蚕

天麻 蝎尾各二分 半去毒 甘草一分 麻黃各二分 川芎七分

右切一劑量人虛實大小加減分兩進虛寒者加附子一分煎服

温白散 治小兒脾氣虛弱泄瀉瘦怯冷痺吐瀉久病已成慢驚身冷

癡等証

天麻 五錢 白僵蚕 炒 白附子 生用 全蝎 去毒炒 牛胆南星 各二錢五分

右為末湯浸寒食麩丸棗豆大每用五七丸至十五丸米湯送下

涼驚丸 治小兒驚疳証

草龍胆 防風 青黛 各三錢 鈎藤 二錢 黃連 一兩二錢

龍腦 一錢 牛黃 射香 各一字

右為末麩糊丸黍米大每用三五丸至十五丸煎金銀湯下

探生散 治小兒急慢驚風諸藥不効用此藥鼻中定其死生

雄黃 一錢 沒藥 一錢 乳香 五分 射香 一字

右為末用少許吹入鼻中如眼淚鼻涕俱出者可治

珠丸 治急驚風眼上視筋脈急搖頭涎潮壯熱風痰氣喘撮口臍風

臍肚腹脹硬等証

南星炮

半夏炮

滑石各一分

巴豆

二十五分 枝去油輕粉五分

右為末麩糊丸黍粒于大一二歲用三五丸量大小進藥清茶送下或

薄荷湯下

醒脾湯 治小兒吐瀉不止遂成慢驚風脾困昏睡默然不語証

人參

四分

白朮

五分

茯苓

五分

木香

三分

全蝎

二分

僵蚕

五分

白附子

三分

天麻

五分

甘草

二分

右切一劑煎服

一方無天麻僵蚕有南星半夏麩陳倉米二百粒煎服

異功散 治小兒吐瀉不思飲食此藥温中壯胃能療虛冷証

人參

白附子

白朮

炒各一分

橘紅

七分

木香

甘草

各五分

右切每劑用三錢煎服

紫金錠 治小兒急慢驚風一有神効

人參

白朮

茯苓

茯神

山藥

乳香

赤石脂

醋燉七欠

辰砂

各二錢五分

射香

五分

殭蚕

五分

五靈脂

五分

青礞石

煨一錢

右為末糯米糊丸彈子大金箔為衣每用一九薄荷湯化下

南星散

治小兒驚風已退但聲不能言証

天南星去皮臍一個泡乾末每半字或一字三五歲者半錢用猪胆

汁調下溫水漱口再嚥下水

至聖保命丹

治小兒諸風諸驚肉吊肚腹堅硬目睛上視手搐掣角弓

反張痰涎壅盛一切急風並宜治之

天南星

泡

全蝎

十四個

殭蚕

白附子

硃砂

另研

射香

另研各一錢

防風

天麻

各二錢

蟬退

一錢

金箔

十片

右為末用糯米糊丸每一兩作四十九每服一九薄荷湯化下

保幼化風丹

治小兒四証八候去風痰散驚熱其八候者搐搦掣顛反

引窠視是也搐者兩手伸縮搦者十指開合掣者勢如相撲顛者頭偏

不正反者身仰向後引者臂若開弓窺者目直似怒視者睛露不活是謂八候也四症者驚風痰熱是也此丹非常術也

半夏 製

南星 泡

川烏

白附子 各一兩

鬱金 五錢

右為末裝入臍日黃牛胆內陰乾百日取出研末入雄黃硃砂硼砂燂硝各一錢片腦射香少許煉蜜丸豌豆大每用一九燈草薄荷湯化下

黑龍丸 治小兒急慢驚風証

牛胆南星 一兩

青礞石 硃假金二兩

天竺黃 五錢

青黛 五錢

蘆薈 二錢半

辰砂 三錢

殭蚕 五分

蜈蚣 香油焙一錢五分

右為末煎甘草膏丸芡實大每用二九急驚殭蚕薄荷湯下慢驚煎桔

梗白木湯下

硃砂安神丸 治小兒慢驚風心煩懊惱怔忡症

硃砂 四錢

黃連 五錢

生甘草 二錢半

右為末蒸餅丸黃米大每用十九煎人參白木湯下

天一丸 治小兒百病証

燈心一斤用米粉漿曬乾研末入水漉之浮者為燈心取來入藥二

兩五錢沉者是米粉不用

赤白茯苓

去皮 茯苓神用共五兩

滑石

水滌 五兩

猪苓

去皮 五兩

澤瀉

去鬚 三兩

人參

大兩

白朮

六兩

甘草

四兩

人參白朮甘草比二藥同熬膏用

右燈心五味各足分兩為末以人參膏和丸龍眼大硃砂為衣貼金箔

各調引子磨化服之

大抵小兒本天一生水之妙治宜通利水也蓋小兒陰不能配陽血不能

配氣故作疾皆屬於火古者韓先生立製此方清心利水正所以散火

也凡小兒蘊熱丹毒驚風痰熱變蒸發熱之証用此最當而嘔吐瀉痢

之病無不治也

南星膏

治小兒精神不足恐畏多哭退風怯熱消痰鎮心可除百病

牛胆南星

五人參

白朮

山藥

白茯苓

扶神

羌活

甘草

各五分

白僵蚕

去嘴炒

辰砂

二錢水

射香

另研

全蝎

去毒薄荷湯浸炙各三錢

右為末煉蜜丸芡實大金箔為衣薄荷湯磨化下

天麻丸

治小兒急驚風四肢拘急壯熱口噤証

天麻

雄黃

烏蛇肉

蟬退

全蝎

射香

五分

天竺黃

桂心

南星

白附子

膩粉

白芷

半夏

各半分

右為末煮棗肉丸藁豆大每用三五丸薄荷湯下

牛黃奪命丹

治小兒肺脹氣急兩脇扇動陷

作坑兩鼻孔張悶亂喘

渴聲啞痰涎壅盛俗云馬脾風最險等証

白牽牛

半生

黑牽牛

半熟

川太黃

檳榔

五錢

廣木香

三錢

右為末入輕粉少許每用二錢用蜜水調下

風膏

治小兒肝風筋脈拘急面赤目青

驚胎風証

辰砂

蝎尾炒

當歸

川芎

山梔

大黃

羌活

防風

甘草

各一錢

右為末入射少許煉砂糖丸艾實子大三歲一丸薄荷湯化下

大効疎風散

治小兒驚熱痰風聚結於胸膈之間四証合病也昏困沉

重關竅不通諸脈氣閉默默起卧甚難飲食乳汁不進但未經吐利與

之服立見甦省大有神效

錦紋大黃

一錢半 鷄心檳榔

一錢 黑牽牛

七分 陳皮

去白一錢

右為末每用五分蜜薄荷湯下視大小加減進藥

全蝎觀音散：治慢驚風久吐瀉脾胃先虛者脾胃與肺為母子也母虛

其子亦衰且二經俱虛則生頑涎脾胃所出也涎溢於咽喉如水鷄之

聲時復瘳瘳是也其瘳者動也跳惕動瘳火之體也此方主之

全蝎

十個去毒炒

天麻

防風

白芷

黃芪

甘草

白茯苓

人參

白扁豆

薑汁炒二分

右為末用棗煎湯調下六分

烏蠲四君湯 治小兒慢驚脾風吐瀉不止証

人參

白朮

茯苓

甘草

川烏 炮去皮尖

全蝎

去毒炒各半分

右切一劑煎服

八儂散 治小兒慢驚虛風証

天麻

白附子

花蛇肉

防風

南星

半夏麩

冬瓜子

全蝎

各半分

川烏 炮

薄荷

八分

右切一劑煎服

神効萬金丹 治小兒急慢驚風十無一失

硃砂

真輕粉

有二味各等分為末用青蒿肉重同煎搗丸黃米大半歲一歲用九二粒乳汁送下量兒大小加減進藥取重擇七月初五日方効

又方用硃砂一錢輕粉三分殭蚕七個用直者全蝎四個為末每用一

分 送下

奪命散 治小兒急慢驚風痰潮壅盛滯塞咽喉命在須臾

青礞石 二兩 煅金色

右為末急驚用薄荷湯入蜜調下八分 慢驚脾風用青州白丸子研

同蜜湯送下

青州白丸子 治小兒驚風及男婦風痰壅盛手足癱瘓等証

半夏 生用 七兩

南星 生用 一兩

白附子 生用 二兩

川烏頭 生用 五錢

右為末用生絹袋盛於井花水中權出其藥漿未出盡用手揉淨以渣再研又入絹袋攪盡為度置磁盆中日曬夜露每日一換新水攪而澄之春五夏三秋七冬十日去水曬乾如玉片研末用糯米粉煮棗丸棗豆大每用二十九生薑湯下不拘時癱瘓証用溫酒送下驚風薄荷湯

送下

地龍丹 治小兒急慢驚風証

五月五日取地龍數條用竹刀分中截斷作二段地龍跳急者另研
慢跳者另研各計明白再入硃砂一錢研勻丸黍豆大急驚用急跳
的慢驚用慢跳的地龍丸各包勿紊用薄荷湯送下七丸其急跳另
包慢跳另包

愈風丹 治大人小兒一切諸風証

白芍 川芎 白僵蚕炒 桔梗 細辛去葉

羌活各五錢 麻黃 白芷 天麻 全蝎各五錢

甘草三錢 南星五錢 硃砂五錢

右為末煉蜜丸艾實子大每用一九嚼茶酒任下

至聖保命丹 治驚風平証眼上視手抽掣角弓反張痰涎急慢驚風並

直服此

全蝎十四個 去青 防風五錢 白附子炮 南星炮 罈退

僵蚕各一兩 用直者 天麻五錢 硃砂 射香各一錢 金箔十片

右為末用糯米飯丸芡實子大每用一丸金錢薄荷湯下

青珠丸 治急慢驚風寒熱往來証

天麻

半夏

南星

白附子

川烏

全蝎

首尾七枚

僵蚕

七枚

青黛

一錢

羌活

二錢

巴豆

七枚 去油

硃砂

一錢 為衣

右為末麩糊丸黍米粒大每用五丸薄荷湯下

安神散

治手伸縮而開合十指伸縮曰搐十指開合曰搦此証宜服此

藥神効

大南星一個刀剝一孔待用全蝎四個塘水浸一宿取起入南星孔

中用南星末益其口面裹火煨赤色取出置地坎中出火毒不用南

星以全蝎為末每用一字磨刀調下

寧心膏

治小兒精神不足恍惚不寧畏恐多哭如人將捕眠睡驚壓此

藥鎮心除百病

人參

白朮

白茯苓

茯神

山藥

羌活

甘草各一

硃砂二錢

片腦一字

射香一字

右為末煉蜜丸芡實大每用二丸薄荷湯化下

小兒五癇論

夫小兒重疾癇居其最由血脈不斂骨氣不聚為風邪所傷為怪所觸乳食不節停滯經絡而得之其候神氣怫鬱瞪眼直視面目牽引口噤涎流腹肚膨腎手足備掣或時生或時歿而後生或不語或語而復嘿或頂背反張或腰脊強直五癇之証皆由隨臟治之蓋臟各有一獸所屬如反折上窻大咬者用癇也目直視胸滿牛叫者脾癇也驚跳反折手縱鷄叫者肺癇也如尸吐沫猪叫者腎癇也目瞪吐舌羊叫者心癇也此皆痰因火動而作又有因驚而得者神不守舍也舍空而痰聚宜行痰為主次用清熱定驚寧心安神並用五色丸治之善治者不必分五癇大抵是痰居多亦在醫者遠見求全之功不可忽畧

五色丸

治五癇

硃砂

珍珠各五錢

水銀二錢五分

雄黃一兩

右為末煉蜜丸麻仁大每三四丸薄荷湯下

斷癩丹 治癩愈而復作者

黃芪

鈎鈎藤

細辛各五錢

甘草三錢

蛇退三寸酒炙

蟬退

牛黃一字

右為末棗肉糊丸麻子大人參湯下十丸視人之大小酌量之

竹瀝膏 治小兒諸癩証

白木

蜜炒二分

大附子

去皮

犀角

錫末各一錢

厚朴

甘草水

麻黃

慢火炙黃色

全蝎

七個用大薄荷葉裹水泡

右為末取竹瀝丸黑豆大每用二丸或一丸金錢薄荷湯下視兒之大小

小加減進藥

至寶丹 治諸癩急驚卒中客忤等証

安息香

一兩五錢為末酒蒸過沙石約一兩慢火熬成膏入藥

琥珀 研

硃砂

雄黃 各一兩

銀箔 五十片

龍腦 二錢五分

射香 二錢五分

牛黃 五錢

生烏犀角 錢

生玳瑁 屑各一兩

右前金箔為衣用生犀玳瑁搗末入餘藥令勻將安息香膏湯煮凝和

為劑如乾了入熟蜜少許丸梧桐子大二歲用二丸人參湯下視兒大

小酌量加減

牛黃膏 治小兒風癇迷悶抽掣涎潮証

牛胆南星

全蝎 各一錢

蟬退 去首足 防風

僵蚕

白附子

天麻 各一錢半

右為末煮棗肉丸小豆大用生薑荆芥湯送下四丸或二丸

扁睛丸 治小兒驚癇邪氣入心証

扁睛 研

遠志 去心

犀角 銹

大黃 煨

石菖蒲

麥門冬

去心 蟋蟀 各一錢半

右為末粟米粉丸梧桐子大每用五七丸竹葉湯磨下

珠砂丸 治小兒口眼喎斜筋脈牽引

硃砂 五銖

全蝎 去毒

天麻

白附子 總

殭蚕

乾薑 炒黑

牛黃 各五分

射香 一分

右為末糯米糊丸黍米大每服三十九丸薄荷湯下

七寶鎮心丹 治小兒驚癇心熱証

遠志 去心

雄黃 另研

鐵粉 另研

琥珀 各二錢

硃砂 一錢

射香 少許

金箔 四片 為衣

右為末煮棗肉丸艾實子大每用一丸薄荷湯下視人大小加減

諸疳論

內經曰數食肥令人內熱數食甘令人中滿蓋其病因肥甘之所致故曰

疳病也所以小兒脾胃尚弱穀氣未充多因父母溺愛恣與肥甘生冷

瓜果調和飪烹之味朝飡暮食竟無樽節漸成體瘦面色痿黃或肚大

青筋垂痛瀉利而諸疳之症作矣錢仲陽曰小兒疳病或因大病后或

吐瀉后用菓下之所致脾胃虛損亡津液而成疳者或由飲食生冷積滯而起其治疳之法班班可考如疳在心則面赤口乾咬牙舒舌身熱體瘦法當補心以安神丸主之疳之在肝則面青筋膜遮睛搖頭多淚髮焦瘦弱法當補肝以地黃丸主之疳之在脾則面黃身熱好食泥土腹脹肚大水穀不消泄下臭穢飲食減少法當補脾以益黃散主之疳之在肺則氣喘口鼻生瘡咽喉不利壯熱惡寒鼻涕以清肺湯主之又兼益黃散等藥此虛者補母之義也疳之在腎則面黑肌肉瘦體生瘡疥身熱尿澁手足冰冷口臭乾渴以地黃丸主之筋疳則瀉血而瘦當服補肝地黃丸骨疳喜卧冷地當服補腎地黃丸肉疳則目腫脹面色無常或未青白漸而瘦弱宜木香丸主之外疳鼻下赤爛自採鼻頭有瘡不結痂繞目生瘡當用蘭香散治之大抵疳病當辨冷熱肥瘦而治其初病爲肥熱疳久病者爲瘦冷疳熱疳用胡黃連丸冷疳用木香丸冷熱疳者用如聖丸之類惟小兒臟腑柔弱不可用峻利之藥

成疳証矣學小兒科者慎之

地黃丸 補益肝腎之虛治肝痺白日遮睛筋痺瀉血腎痺身瘦

疳喜卧冷地又治胃弱不能解頤小兒年長不能行者服之神効

熟地黃 山茱萸 乾山藥 澤瀉 牡丹皮

白茯苓 各三錢

右為末煉蜜丸梧桐子大每三歲以下用三丸至五丸空心熱水送下

化下尤佳長年者增丸酌量

益黃散 一名補脾散 治小兒脾胃虛寒脾痺體黃腹大好食泥土肺疳

氣喘口鼻生瘡等証

陳皮 青皮 柯子皮 甘草 各五分 人參 五分

白木 一錢 一方加丁香二分

右切一劑煎服或未用五分

木香丸 治瘦冷疳証

射香 一錢 續隨子 一兩 去油 木香 青皮 肉豆蔻

檳榔 各二錢半 蝦蟇 肥者三個 燒存性

右為末煉蜜丸菘豆大每用五九至十五九薄荷湯下宜食遠服

胡黃連丸 治肥熱疳証

胡黃連 各五錢 硃砂 另研二分 錢五分

右為末填獐猪胆內懸杖繫銚子中水煮勿着底候一時取出研入蘆

薈射香各一分飯丸麻子大每用五七九至十五九米湯送下

蘭香散 治外疳鼻下赤爛証

蘭香葉 二錢燒存 性菜名 銅錢 輕粉 各五分

右為末乾搽疳上

如聖丸 治冷熱疳瀉証

史君子 一兩 去壳 胡黃連 二兩 川黃連 一兩 射香 五分 另研 乾蝦蟇 成

右為末用蝦蟇膏丸麻子大二三歲者五七九十歲者十五九人

卷下

香蟾丸 治疳病消食積肉積虫積及腹脹大証

三稜

莪朮

青皮

陳皮

神麩炒

麥芽

草龍胆

檳榔各五錢

木香二錢

川練子

史君子

胡黃連

川黃連各四錢

白木一兩

射香五分另研

乾蝦蟇三個燒存性用

右為末醋糊丸麻子大每用十五丸米湯送下

石膏湯 治小兒好食泥土証

石膏

黃芩

陳皮

白茯苓各一錢

白木一錢五分

右切一劑煎服

蘆薈丸 治小兒疳氣腹脹骨熱証

蘆薈

木香

檳榔各二錢半

黃連一兩

蝦蟇肥大者二個燒存性

蕪荑去皮

青皮

陳皮各五錢

巴豆七個

右為末猪胆丸小豆大三歲者二十九丸米湯下

祖傳秘方檀榔丸 治小兒疳積氣成塊腹大有虫其効如神

青皮 炒三錢 陳皮 五錢 無英 二錢半 水洗淨 雷丸 五錢 去壳 鶴虱 三錢

乾漆 五錢 炒烟 木香 二錢 良薑 二兩 壓壁土炒 砂仁 一錢 麥芽 五錢 炒

胡黃連 三錢 神麩 五錢 炒 山查肉 五錢 檀榔 一兩 三稜 切醋煮

莪木 醋煮各五錢

右為末醋糊丸菽豆大每用三五十九薑湯送下

肥兒丸 消疳化積磨癖化食清熱伐肝補脾殺虫養元氣

人參 三錢 半 白朮 三錢 白茯苓 三錢 川黃連 薑汁炒 錢五分

胡黃連 五錢 史君子 五錢 神麩 三錢 半炒 麥芽 三錢 半炒 山查肉 三錢 五分

甘草 多三錢 蘆薈 二錢 半小確盛泥固時土坑 四百入穀糠火煨透取出用

右為末黃米糊丸菽豆大每用二十九米湯下視大人小兒酌量丸數

用之

疳積餅 治小兒五疳諸積肚大青筋面黃肌瘦飲食少進瀉痢腹痛証

青皮 五錢 陳皮 五錢 山慈肉 五錢 神麴 五錢 麥芽 五錢

砂仁 四錢 白木 六錢 三慈 五錢 莪木 五錢 木香 五錢

檳榔 四錢 甘草 四錢 小茴 五錢 史君子 二錢 川練子 去核

肉豆蔻 煨三錢 柯子 去核 夜明砂 炒二錢 川黃連 六錢 乾蝦蟇 一個

右為末砂糖和麩糊丸梧桐子大每服三錢或五錢白滾湯下

五積餅德府方 治小兒疳積食積虫積肉積氣積冷積腹脹如鼓肌瘦

青黃泄瀉發熱不能服藥者進此甚効

三稜 醋煮 莪木 醋煮 青皮 木香

黃連 薑汁炒 川練子 檳榔 各二錢 神麴 炒 麥芽 炒

砂仁 各三錢 史君子肉 胡黃連 白木 炒六錢 草龍胆 六分

山查肉 二兩 乾蝦蟇 五個

右為末炒白麩五斤黑砂糖二斤和前藥勻之用木印印作小餅約重

一錢每用三五餅服至半月大效

安神丸 治邪熱驚啼心疰面黃頰赤壯熱証

麥門冬 去心

牙硝

白茯苓

山藥

寒水石

甘草 各五分

硃砂 一兩

龍腦 一字

右為末煉蜜丸芡實大每用半丸砂糖水磨下慢驚風參朮湯下

補肝湯 治小兒肝疰眼閉不開內有朦霧証

生地黄

熟地黄

川芎

赤茯苓

枳壳

黃連

杏仁 去皮

半夏麩

天麻

地骨皮

炙甘草 各二錢

右切每劑四錢煎服

清肺湯 治肺熱疰慙觸為穿孔汁臭或生息肉証

桑皮

紫蘇

前胡

黃芩

當歸

連翹

防風 五分

赤茯苓 五分

桔梗 五分

生地黄 五分

甘草 二分

天門冬 去心各等分

右切一服分兩裁之

大蘆薈丸 治五疳皮黃肌瘦髮直尿白肚大青筋好食泥土炭生茶

絲者

蒼木

陳皮

厚朴

青皮

枳實

檳榔

神麴

山楂

麥芽

三稜

莪朮

砂仁

茯苓

川黃連

胡黃連

蕪荑仁

史君子肉

青黛

蘆薈各等分

右為末用史君子壳煎湯浸餅蒸九彈子大每用一丸米湯化下

菴土丸 治小兒疳積在脾面黃腹脹自咬指甲自掃眉毛揉口鼻好食

泥土炭茶之類

黃土一兩

陳皮一兩

木香二錢五分

黃連五錢

巴豆二十五粒 不去油

右為末麩丸菜豆大每歲用十九黑豆汁湯下候瀉五七次疳積盡去

一丹進益黃散以助藥力

五疳消食丸 消疳殺虫退熱磨積和脾進食

麥芽炒

史君子肉炒 陳皮

神麩

蕪夷仁

草龍胆

黃連炒

山查肉

各等分

右為末陳米飯丸黍粒子大每用十九米飲下

五疳保童丸

治小兒諸疳肚大面黃食積肉積等証

青皮

麥芽炒

陳皮

川黃連

各一兩

三稜

醋煮

菘木

醋者

史君子

各五錢

蘆薈

草龍胆

各六錢

蕪夷仁

三錢

右為末米飲丸粟米大每用二二十九白米湯下量兒大小加減丸數

集聖丸

治小兒疳病通用

蘆薈

五靈脂

夜明砂

焙

砂仁

陳皮

青皮

菘木

木香

史君子

各二錢

黃連

二錢

乾蝦蟇一錢

右末用雄猪胆汁糊丸麻子大每用十五丸米湯下

煮肝散 治疳眼翳膜羞明不見物色或大人患雀目者

夜明砂

蛤粉

穀精草

各一兩

右為末每用一錢五七歲以上者服二錢用雄羊肝切片批開納藥在
內麻縛定米泔水三碗煮乾至熟撈出取熱湯薰眼肝分三次服用
肝湯送下日三進不拘時候

丹毒

皮硝膏子 治小兒各樣瘡赤腫硬及一切丹瘤熱癩濕爛大人亦全此
法治之

背陽處蚯蚓糞

二錢

熟皮硝

二錢

右全研末新汲水濃調厚敷患處乾則再上

赤龍散

治赤毒火毒走注

用伏龍肝不拘多少鷄子清調敷患處

咳嗽

塞孔如聖丸

治小兒喉中痰壅喘急

巴豆一枚去壳搗爛作一九以綿花包裹以男左女右塞鼻中尤妙

保金必勝丸 治咳嗽痰喘

半夏 南星 巴豆去壳 生白礬 牙皂

杏仁另研各等分 右為末合一處再研令極勻以棗肉為丸梧桐子

大每次服三丸服時針挑燈上燒存性研爛茶清調下

又方 用甜梨子一枚刀切勿斷其皮入蜜於梨肉麩裏火煨熟去麩用

梨靈驗響應蓋梨性化痰清肺故也

參粉保孩湯 治發熱咳嗽吐紅氣喘

天花粉三錢 人參二錢五分 全為末每用蜜調五分下

盜汗 專治小兒盜汗潮熱往來此候乃心血虛盛故發為汗宜以二乎丸團參湯神丸壯疴散并方加咸治之

二胡丸 柴胡三錢五分 胡連二錢七分

右共為細末煉蜜丸芡實子大初服一丸漸至三丸為止貯於銀器中用酒少許化開更入水十分之五煮二十餘沸候温食後服

撲汗良方

牡蠣粉 黃連大者 貝母各五錢五分 天米粉二升

右共為末候汗出時糝之五次全愈

團參湯 專治三五歲小兒盜汗虛

川當歸身二錢五分 新羅人參二錢八分

右二味全剉細用公猪心一個切為五大片每服藥二錢猪心一片水

二鍾煎至一鍾空心作三次服

通神丸 治三五歲小兒日上精神爽朗至夜臥身汗之症

草龍膽一味不拘多少為末用醋糊丸如胡椒大每服六丸米飲下

牡莖湯 治小兒盜汗因食生冷過度或百沸湯淘飯而作者

黃芪一兩 牡礪二錢 生地黄一兩 右剉每劑水煎服

自汗凡小兒葷甚忌自汗自汗即亡陽然切不可止之宜以白朮二錢五分小麥一握水煮令干去麥為末用黃芪煎湯調服

專治小兒暈而自汗無有不應方人傳

用故蒲扇燒灰為末存性量兒大小温酒調下

參歸止汗散 治小兒虛汗或心血液盛發為汗者

清河參

川當歸 各五錢

右細剉用雄猪心一個切三片每服一錢五分猪心一片并花水鍾半煎食前作二三次大温服

氣喘 治小兒風痰吐沫肚腹膨脹飲食減進及咳嗽不止者須一捻金方可餘方卒難取效

一捻金 小兒肺脹喘嗽 人皆視作風喉 大黃檳榔二牽牛 人參

半兩來湊 五味研成細末 蜜水調量稀稠 每將一字下咽喉

不用神針法灸

右症宜急治少緩命即難保俗云馬脾風者即此症也

右氣喘之症有目驚暴觸心肺氣虛發者有傷寒肺氣壅盛發喘者有感

風咳嗽肺虛發者有食酸鹹氣逆而發者并以一捻金天麻定喘

枳湯小青龍湯加減治之并隨症斟酌而施萬無虛發矣

右方并... 卷中...

黃疸

小兒身痛背膊強大小便澀一身皆黃面目爪甲亦黃小便如屋塵水此
黃疸也若初生而身即黃者胎疸也諸疸皆屬於熱並宜五苓散為
主或首陳湯小半夏湯等方加減治之

小半夏湯 治黃疸腹滿而喘者

半夏一味湯洗七次剉碎每用二錢水一鍾薑七片煎服

犀角散 治小兒一身黃色疸候

犀角一兩 乾葛 茵陳 升麻 生地黃

龍膽各七錢

右切每剉白水煎服

茵陳五苓散 五苓散五分加首陳散十分二散研勻每服一錢五分日

用四次溫水下

遺尿尿濁二論

小兒遺尿者由膀胱冷氣浸淫不能制乎水故也腎主水腎氣下通於陰

小便者水之餘也膀胱為津液之府既冷氣浸之不能約水必遺尿矣
尿白者由乳哺不節傷乎脾臟故清濁不分而小便如泔也久則必成
疝候又或心脾復熱兼而得之遺尿可用破故綿散二茯苓散五倍異
用丸加減療之尿濁可用三稜澄清分清等方加減治之

三稜散 此方能踈脾消食化積

京三稜 各一兩 蓬莪木 各一兩 益志仁 橘皮 神曲

大麥芽 各炒過各 炙甘草 四錢五分 右為末用白滾湯調服

分清飲 通心氣補遺精治小便餘瀝并赤白濁

益志仁 川草薺 石菖蒲 生石菖蒲上鮮者用 天臺烏藥 各五分

白茯苓 各三錢 白芍藥 五分 右為末入塩少許空心燈心湯服

澄清散 治小兒大便白小便濁或如米泔

山查 一錢 青皮 甘草 各三 白芍 白木

茯苓 黃連 各製 澤瀉 右判一劑白水空心煎服

破芷散 治遺尿

破故芷一兩炒為末每服一錢熱湯調下

桂肝丸 治小兒夢中遺尿不自覺者

官桂為末雄鷄肝一具等分搗丸如小豆大溫水送下日進三服

五楮異用丸 五楮子不拘多少半生半燒過存性為末雪糕為丸每用

三十九米湯下

二茯苓散 白茯苓

白茯神

益志仁

各等分

右為末每服二錢五分清心米湯下

盤腸 小兒盤腸氣者則腰曲干啼額上有汗是原為冷氣所搏而然其

曰脚冷或大便青色上唇干者是也此及目初生之時穩母洗遲感受

風冷而致也急用意湯洗其腹探生蔥熨臍間良久尿自湧出其痛自

止病愈

乳香散 治盤腸氣

乳香

沒藥 各等分

共為細末以木香煎湯調服

瘡疾 小兒患此多由膈上痰結

消癖丸 治瘡母停水結癖腹脇堅痛

硃砂

芫花 各等分

右為末煉蜜丸小豆大每服十九酒下

芫花散 治瘡疾初發

芫花根為末每用一二分三歲兒用三分以鷄子一枚去頂入末攪

勻紙糊頂口外用濕紙裹灰火煨熟食之

萬億丸 方見別門

一 小兒先因停食腹疼服峻厲之劑後患瘡日晡而作餘以為元氣下陷

當治以補中益氣湯後用異功散加當歸必然見效切不可泛用清熱

消導使其症餘熾也

小兒每患瘡者先寒後熱或久不愈當用六君子湯加生薑為丸如英

實大每服一丸旬余而止

一小兒久瘡諸藥不效或因胃口虛冷所致宜以鮮鯽魚全好豆 人煮

母子同服二次見効

一小兒久瘡或延至半年者尋回寒熱交蒸漸成虛勞必以酥炙天靈蓋
炭火燒存性研為極嫩末每服五釐黃酒調下

痢疾

經云傷乎氣分則多白傷乎血分則多赤赤白相雜則氣血俱傷然症雖
有三其原皆由於濕熱治者但清熱去濕則自止矣

萬億丸

治小兒患一切痢疾
初起者無有不効

薑茶煎

治痢疾腹痛不拘赤白冷熱皆可服之

老生薑

三錢
切片細茶 三錢

用新汲水煎服

又方

生薑

細茶

連根韭菜三味全搗汁酒調服立効

香白合效散

治痢疾口乾發熱者

用白水散送下香連丸三服立止恣用無妨

雙補合效散 治痢久裏急後重欲去不去又欲去手足冰冷

胃氣虛寒下陷也

補中益氣湯加水香補骨芝倍升麻柴胡服二劑見效

鐵門拴 治赤白痢疾五種泄瀉

文蛤 炒黃色 一兩 白礬 半生半煨 共三錢 黃丹 一兩 五錢

右為末黃蜡一兩溶化為丸如菉豆大每服五七丸薑茶湯調服

石蓮散 治小兒禁口諸痢嘔逆不食神效

石蓮肉炒去心為末每服二錢陳倉米飲調下嘔加生薑

又方 山藥半生半炒為末米飲調下不借不寒其效無比

固腸丸 治紅白痢日久不止

黃蜡 各一兩 黃丹 各一兩 共一處溶化為丸黃豆大每服三九

紅痢甘草湯下 白痢乾薑湯下 紅白痢甘草乾薑湯空心下

尾骨痛 小兒尾骨痛疼乃是陰虛痰火所致分具奇方于下

補陰降火湯 治陰虛尾骨作痛者

知母 酒炒

黃柏 酒洗

白芍 酒炒

熟地黃 酒蒸

當歸 酒洗

右剉少用官桂為引或以前胡木香為引如痛不止加乳香二錢煎服

化痰降火湯 治痰火尾骨作痛者

知母

黃柏 酒製

半夏 薑炒

陳皮 去白

茯苓 去皮

甘草 各等分 右剉用木香前胡為引若痛不止加沒藥二錢白

水煎服

語遲牙遲行遲論

夫小兒稟受不足者即髓不充滿蓋骨之所絡為髓髓不足故不充於齒

所以遲生也語遲者何蓋言者心之聲也其不能言者由在胎時其母

卒有驚怖內動於兒臟邪氣乘其心故心氣不足而不能言也行遲之

証乃血氣不充髓不滿骨故足軟而不能行又或肝腎皆虛而得之宜

以八仙顯應散主之五加皮散佐之則逾月之后其足堅硬可立而即

可行矣語遲須以錢公菖蒲久效丸增減治之啟口丸佐之牙遲須以
芎藭等五散六味丸增減治之又有三五歲不生髮如疔瘡者由血不
上貫氣不上行故不能生髮即生亦不長盛非黃則焦宜以補元散加
減治之

芎藭等五散

芎藭

乾地黄

芍藥

山藥

當歸身各二錢

甘草一錢

人參三分

此藥每服二錢丹以生齒之藥與兒噙之

菖蒲丸

石菖蒲二錢

丹參

天冬去心焙各一錢八分

赤石脂二分

人參五分去青

右共為細末蜜丸如芝麻大飯上百滾湯下二十五丸

八士啟口丸

治小兒語遲神効

石菖蒲

當歸

人參

乳香

硃砂另買

麥冬

川芎

誠遠志各二錢

右為末煉蜜丸黍米大每服十九半空心米飲下

五子散

乾山藥

白芍炒

川芎

當歸

甘草

各等分

右為末每服二錢百滾湯食後調服

又方 單用山藥末擦牙齦數次其牙即生

行遲 當以六味丸加鹿茸牛七五加皮補腎之藥足其腎氣則須臾能

行步矣

髮遲

補元至捷方 治小兒元氣不足三五歲不生髮者

當歸

人參

川芎

白朮

菖蒲

赤茯苓

黃芪

茯神

遠志

甘草

右切一劑生薑五片棗三枚同煎不拘時子母全服

龜胸

此症乃肺熱服瀉攻於胸膈而成又乳母多食辛辣之
物而成此疾惶去乳不使兒食之則可免此疾也

九味平胸丸

任高如貼約亦可取効

軟石膏

甜葶藶

隔紙炒

素白皮

真者蜜炙

大木通

杏仁

枳壳

百合

天門冬

去骨各錢

大黃

煨六分

右為末煉蜜丸如菘豆大每服五丸溫水下食后臨臥服

枳壳防風丸

防風

枳壳

當歸

大黃

前胡

麻黃

各一錢二分

右為末麵糊丸如黍米大每服十丸食后米飲下

鶴節

當歸地黃丸

治血氣不克故有此疾宜補之

白茯苓

山茱萸

去核酒蒸

淮山藥

蒸

牡丹皮

去梗各五錢

懷訣芋

酒蒸

牛膝

去芦酒洗四錢

當歸

六錢五分

右為末煉蜜丸如芡實大用百滾湯研化食前服仍以南星炮去皮臍

研細末入米醋調塗緋布上烘熱貼之

膿耳

小兒膿耳由其腎經氣實其熱氣上冲于耳遂使津液壅滯而成其候或洗浴時水入其耳濕氣停留搏於血氣之中醞而為膿不早治則成聾耳並以龍骨散蔓荊散主之又有五般停耳候聾耳者常有黃膿流出膿耳者常有紅膿流出纏耳者常有白膿流出底耳者裏腥臭囊耳者裏面虛鳴時出清膿然五者之源一也並因風邪濕氣中於耳中兼積熱上壅而成若不蚤治俱成聾候宜急以金箔散胭脂膏龍黃散治之切不可視為細故緩以圖之也

龍骨散 治膿耳等症初起者

胭脂

黃丹

麝香

各一錢五分明礬

龍骨

各四錢

右共為細末先以綿撚去膿汁次以鴉管吹藥入耳中本方加海蝶鱗治之尤佳

蔓荊子散 治內熱耳出膿汁久不止者

蔓荆子

甘菊花

赤茯苓

前胡

素皮

升麻

大木通

赤芍藥

麥門冬

生地黄

甘草

各等分

右剉每劑二錢七分薑棗全煎臥時溫服

胭脂膏

治聾耳等症時流膿水初起者

白龍骨

白礬灰

白石脂

乾胭脂各二錢五分研末

右共為末棗肉和丸如芡實大以綿裹一丸納耳中一日二換

龍黃散

治聾耳

黃丹

射香

一錢研

龍骨末

白礬灰

各四錢五分

右研細先以綿紙撚去膿水於背風處用一字糝入耳中

金箔散

真金箔

白礬

服

乾胭脂

各四錢五分

右全研極勻為末糝入耳中一日三次即愈

一方用枯白礬為末吹入耳中目念

一方用枹出鷄卵皮炒黃色爲細末香油調灌耳內卽止
一方用五倍子燒存性爲末吹入耳中靈驗異常

癖疾論

夫癖疾者有南北地位之分南方土薄水弱飲食軟柔易於尅化此癖疾所以少也北方土強水厚飲食堅硬難於運化癖疾所以多矣且小兒脾胃柔脆臟腑嬌嫩况爲母者不能調護不問鹹酸肥甘之味瓜果生冷之物滋綜濕麪煎燂油膩之類順兒所欲食之過多傷損脾胃脾胃既傷不能消化水穀則停滯而爲熱矣發熱既久則耗傷元氣元氣既虛則其血停滯不散畱於脇肋之間遂凝血塊皆曰生冷停滯而成痞於皮裏膜外不能動移始則形如錢大發熱日長如龜如蛇如猪肝肺狀者如橫木者盍盤者如拳掌撞胸者長短大小之不同內有血孔貫通外有血筋盤固其筋直透脊脊之下與臍對之見動脈之處是癖疾之根起病之源也且夫人之一身血脈流通晝夜不息一週流至此其

血則貫入筋內由筋入孔由孔入癖癖得血養漸而長大邪得血助而盛矣於是正氣衰而血愈枯發為潮熱諸症或頭出虛汗或胸前項下跳動或肚大青筋毛焦髮豎或面黃肌瘦四肢乾枯淹延日久有變為牙疳口臭宣露出血者有面腫大者口鼻潰爛者肢體浮腫者腹脹氣喘者寒熱往來者似瘧非瘧者痰嗽喘熱者衄吐下血者嘔吐瀉痢脫肛下墜者心腹痛疫者疝氣偏墜者皆癖疾毒攻之所致其攻發之症豈止此耶大抵治此疾者宜補脾養氣為本清熱消塊為標量其兒之壯弱疾病之輕重壯而輕者治標之藥多於治本之劑弱而重者治本之劑多於治標之藥此其大畧而言在醫者宜察之功毋妄治之

淨府散 治小兒腹中癖塊發熱口乾小便赤証

柴胡 一錢

黃芩 八分

半夏 八分

人參 三分

白朮 八分

白茯苓 一錢

猪苓 七分

澤瀉 一錢

三稜 一錢

莪朮 一錢

山查肉 一錢

胡黃連 五分

甘草 二分

煎煮

煎煮

右切一劑白水煎服

烏金丸徐副便方 治癖塊發熱一料除根

牛黃 二錢

蘆薈 三錢

琥珀 五錢

胡黃連 五錢

人參 六錢

白木 六錢

乳汁炒黃連 七錢

檳榔 七錢

三稜 七錢

莪木 七錢

水紅花子 七錢

地骨皮 七錢

百草霜 三錢

伏龍肝 三錢

右為末糯米糊丸菘豆大每用三十九丸陳皮湯下

阿魏丸 治癖疾神效

白木 五兩

酥油炒三兩 塵壁土炒二兩

半夏 製一兩

白茯苓 一兩

陳皮 一兩

蒼朮 三兩

米泔浸二日去皮再用芝麻粉曬乾

黃連 酒炒一兩

山查肉 一兩

麥芽 炒一兩

枳實 炒一兩

萊菔子 炒二兩

紅花 一兩

楮實 炒二兩

水紅花子 炒三兩

小菝紅子 炒三兩

堯仁 去皮尖一兩

莪木 兩

胡黃連 一兩

蘆薈 一兩

阿魏 一兩

牛黃 一錢

人中白 煨五錢

沉香 一兩

海帶 二兩

紫菜 三兩

乾鹹 炒二兩

酥油 二兩
黃臘 三兩同酥油化開
入藥末內勻之

右為末煉蜜丸梧桐子大每服三四十九水紅花煎湯下白水亦下

千金保童丸 消癖化積清火退熱殺虫消疳開膈除脹養胃和脾大人

小兒並宜服之

人參 白朮 各五錢
茯苓 三錢
蘆薈 一錢
胡黃連 三錢

黃連 三錢
史君子肉 三錢
蕪荑仁 二錢
夜明砂 三錢
阿皮 二個

龍膽草 三錢
柴胡 三錢
青皮 三錢
陳皮 三錢
三稜 三錢

菘朮 三錢
蒼朮 三錢
砂仁 二錢
木香 三錢
檳榔 二錢

香附 三錢
枳實 三錢
神麴 五錢
山查肉 三錢
麥芽 五錢

萊菔 五錢
阿魏 二錢
水紅花子 五錢

右為末猪膽汁丸菘豆大每服三五十九食前米飲下

至寶丸 治癖積証

阿魏 三錢
蘆薈
天竺黃 各三錢
雄黃 一錢
胡黃連 三錢

沒藥

穿山甲

沙珠沉香 八分

百草烏

直便硃砂 各二分

右為末好酒和成一塊入銅鍋再入好酒半茶鍾文火熬膏勿令武火
熬焦恐傷藥力量可丸如豌豆大每用一九黃酒化下十歲以上服
丸臨臥服之待自然汗出三日服一次重者五七服輕者二三丸熱節
退塊即消每忌猪肉海味

一方加血竭二分

膽酥三分

百早烏用三分充佳

一提金秘方 治癰疾

阿魏 二錢

血竭

雄黃

硃砂

全蝎

乳香

沒藥 各一分

沉香

木香

蘆薈

天竺黃

各五分

穿山甲

七片

大黃

七

木鱉子

七個

右為末每用五分鷄子一枚取破小頂將藥入內紙裹蒸熟空心食之

連鷄子一服酒少許送下

秘靈丹 治小兒癰疾如神

阿魏 第一二錢 蘆薈 二錢五分 天竺黃 一錢 大黃 一錢 胡黃連 二錢

雷丸 二錢五分 甘草水 浸半日去皮炒 乾漆 五錢炒尺烟釜 蜈蚣 二條大者

者佳瓦上焙罈 地上退火毒 右為末用蜜水拌勻置小瓶內用猪尿泡封口

懸鍋內重湯煮半炷香為度埋土中一宿次日取出每用九釐或茶或

酒或米湯送下

五黃丸 治癖退熱如神

牛黃 一分 天竺黃 一分 蘆薈 二分 阿魏 三分 雄黃 一錢

雌黃 二分 蜈蚣 二條去 胡黃連 二分

右為末用黃蠟五錢化為丸菜豆大每服五七丸黃酒下

將軍散 治癖如神

川大黃 麥麩 炒黃 阿膠珠 三錢

右為末每服五分黃酒調下

核桃丹 治癖最效宜多進之

、礪砂

礪砂各一錢

大黃一兩

芒硝一升

右用核壳一百個敲破同藥入鍋水二十碗用火煮一炷香盡為度藥時食之速効

鷄子丹 治小兒癰疾如神

鷄子

五枚打破取青黃俱用

阿魏五分

黃蠟一兩

右用鍋內一處煎熟分作十服細嚼溫水下空心服腹中作痛無妨于日後大便下血是癰疾之化也

治神散 治小兒癰疾

礪砂

一錢

礪砂

一錢

木鱉子

五個去壳

紅花

一錢五分

蜈蚣

一條上焙

穿山甲

五片炒珠

右為末合一處用猪槽頭肉一斤切片拌勻煎藥

器盛之鍋內蒸極爛任意食之腹中作痛惡物從大便而出

三速丹 治癰塊証

急性子

川大黃

水紅花子

各一兩俱生用

右為末每用五錢以皮硝一两拌勻用鷓鴣一隻去毛尿腸鴿不落水
破開鴿肚用布拭淨將藥裝入鴿肚內用線縫之締耳封固水三碗文
火煮熟水乾將鴿子番過復焙令黃色冷定蚤晨食之黃酒送下須臾
退熱三日後大便下血而愈忌冷物一百日

鴿蝎丹 治小兒癰疾

辰砂

礪砂

礪砂

阿魏各一錢

三稜

莪朮

各二錢

全蝎

一錢

血竭

五分

水紅花子

三錢

右為末皮硝半斤水澄過用鴿子一隻去毛腸將藥一錢入鴿肚內硝
水三碗入確熬熟食之三服全愈

馬精泉 治小兒癰疾

白馬尿用雪白好馬者佳其尿用三酒鍾作一服以米糖嚼送下二

日進一服

清香散 治小兒癰疾生牙疳潰爛臭穢症

乳香

沒藥

兒茶

輕粉

象皮

象牙

紅褐

珍珠

海巴

右各等分爲末敷患處登

痛止生肌如神

紅棗散

治小兒疳癖牙齦

爛齒牙落皮肉壞等証

紅棗五枚去核每一枚

入言一分火煨存性爲細末右加黃柏五

分青黛五分穿山甲五分燒存性爲末和勻前棗信捺患處立効

黃龍膏 治小兒癩疾如神

黃狗腦子三個黑礬半斤

皮硝半斤

右礬硝二味分三分每一分入腦子一個搗勻先令患人飽食用麪堅

調作一團圍住癩處方圓大小周匝入藥鋪癩上用火熨斗量熨癩止

之藥化而乾成餅子去了方不用熨去其藥每日一次三日爲止又用

甘草甘遂爲末絹包熱水浸之揉癩一頓如半炷香時即服堯仁承氣

湯打下血塊未下再進一服神効

水潤膏 治癬塊証

大獨蒜 四頭

大黃 一錢

皮硝 五錢

射香 一分

小紅花子 二錢

赤石脂 一錢

右五味為末將蒜去皮搗爛勻藥敷患處用綿竹貼

乾時水潤之一晝夜口中出藥氣其癬如洗矣

黑龍妙化膏 治癬塊血積氣積疔積食積等症

川烏

草烏

兩頭尖

穿山甲

當歸

白芷

赤芍藥

生地黄

熟地黄

官桂

三棱

莪木 各一兩

旱麻仁 石百

木鼈仁 兩

巴豆仁 一兩

右剉用香油二斤浸三日交此火熬至焦黑濾去渣滓將油再熬半柱

香入炒黑色黃丹一斤同熬以柳條不住手攪滴水成珠不散為度離

火方入后藥

香

沒藥

五靈脂

木香 各一兩

射香 二錢

膏藥內攪勻磁罍

貯量癬大小五倍子染過狗皮攤貼

半月一易葵葉切忌婦人及鷄犬見之忌羊魚葵物二三個月

附小兒五疳病源妙方

夫五疳者謂肥甘飲食之所致也蓋小兒脾胃嫩脆尋為母之溺愛不明恣以肥甘瓜果一切烹飪美味任意食之况小兒脾弱運化失常漸成積滯膠固於脾胃之中而不成疳病者鮮矣如疳在心則面赤口乾咬牙吐舌口舌生瘡身熱體瘦用安神丸主之如疳在肝則面青筋膜遮睛搖頭揉鼻目多流泪頭影垂焦豎筋青胸熱瘦弱無力用補肝湯主之如疳在脾則面黃身熱腹脹肚大好食泥土水穀不消洩下酸臭困憊減食肌膚瘦削用益黃散主之如疳在肺則面白咳嗽喘逆口鼻生瘡咽喉不利壯熱惡寒鼻流清涕用清肺湯主之如疳在腎肌瘦生瘡身熱尿澀手足冰冷口臭乾渴用地黃丸主之內疳則腫脹面色無常或沫清白漸見衰弱此為冷症也用木香丸主之外疳則鼻下赤爛自擦鼻頭透目生瘡並不生痂用蘭香散主之此小兒五疳病源治法陳諸

于左

安神丸 治邪熱驚啼心疳面黃頰赤壯熱

麥門冬

牙硝

白茯苓

山藥

寒水石

甘草

灸各五錢

硃砂

一兩

龍腦

一字

右為末煉蜜丸如芡實大每服半丸砂糖水磨化下其慢驚參朮湯

湯化下

補肝湯 治肝疳眼閉不開內有朦霧

生地黄

熟地黄

各一兩

川芎

赤茯苓

枳壳

黃連

杏仁

去皮尖

半夏麩

天麻

地骨皮

甘草

灸各二錢

右切每劑四錢煎服

天麻丸 治風疳眼疳

青黛

黃連

天麻

五靈脂

夜明砂

川芎

蘆薈

各二錢

防風

龍膽草

蟬退

去足

射香 少許 乾蟾頭 三錢

右 汗浸糕丸如麻子大每服十三丸薄荷湯下

益黃散 治脾胃面黃自然服大脹滿好食泥土困睡倦息

陳皮 青皮 柯子皮 甘草 各五分 人參 五分

白木 一錢 丁香 二分 右切一剉煎服或為末白滾水調下五分

靈脂丸 治脾胃食疴之症如前

白豆蔻 麥芽 炒 五靈脂 砂仁 莪朮 煨

青皮 橘紅 史君子 帶 蝦蟆 炙魚各二錢

右為末米糊丸麻子大每服十丸米湯下

清肺湯 治肺熱涎症面白咳嗽喘逆口鼻生瘡咽喉不利壯熱惡寒鼻

流清涕等症

梔白皮 炒一兩半 紫蘊 前胡 防風 赤茯苓

當歸 天門冬 連稍 桔梗 生地黄 各二錢五分

百代醫宗 卷之九

化蜜丸

甘草 一錢

右切一劑煎服或為末每服二錢食後次用化蜜丸

蕪荑

蘆薈

青黛

川芎

白芷稍

胡黃連

川黃連

蝦蟆

此各等分

右為末猪膽汁浸糕丸麻子大每服二十九丸食後杏仁煎湯下其鼻常

用雄膽泡湯小筆蘸洗俟前藥各進數服卻用青黛當歸赤小豆瓜蒂

地榆黃連蘆薈等分雄黃少許細末入鼻欬瘡

地黃丸 治腎疝肌瘦生瘡身熱尿澀手足冰冷口鼻乾渴

熟地黃

赤茯苓

山茱萸

當歸

山藥

川練子

牡丹皮

澤瀉

史君子

各三錢

右為末煉蜜丸梧桐子大每服十五丸溫水下

茯苓丸 治心疝疝身

熱臉赤唇紅口生瘡咽膈悶小便赤澀五

心煩熱盜汗發渴咬牙

茯苓

蘆薈

琥珀

黃連

赤茯苓

各三錢

鈎藤皮

遠志薑汁炒

蝦蟆燒灰

石菖蒲

射香

少許

右為末粟米糊丸麻子大每服十九薄荷湯下

下虫丸 治疳蝨及諸虫

苦練根皮

酒浸

綠色貫眾

木香

桃仁

去皮尖

蕪荑

檳榔

鶴虱

輕粉各五分

蝦蟆

炙焦

史君子

五十錢 取內用

右為末飛白麩糊丸麻子大每服二十九清晨用肉汁下加川黃連當

歸各二錢五分又治脊疔癩疔

錢仲陽小兒諸疔論

小兒諸疔皆因病後脾胃虧損或用藥過傷不能傳化乳食內亡津液虛火妄動或乳母六淫七情飲食起居失宜致兒成患夫五臟之疔不同各當分辯肝疔者一名風疔其症白膜遮睛或瀉血瘦削心疔者面頰赤身壯熱脾疔者一名肥疔其症肢體黃瘦皮膚乾澀多生瘡疥腹大

吃土肺疳者一名氣疳其症喘嗽不已口鼻生瘡腎疳者一名骨疳其
 症肢體瘦削遍身瘡疥喜臥濕地楊氏曰又有疳傷者五臟虫疳也疳
 名甚多姑舉其要疳者其虫如絲出於頭項腹背之間黃白赤可治青
 黑難療蛔疳者皺眉多啼嘔吐多沫腹中作痛肚脹青筋唇口紫黑頭
 搖齒痒脊疳者身熱羸黃煩渴下痢拍背有聲脊骨如鋸齒十指生瘡
 頻嚙爪甲腦疳者頭皮光急滿頭併瘡腦熱如火髮結如穗遍身流汗
 腮腫顛高渴疳者日則煩渴飲水不食夜則渴止瀉疳者毛焦唇白額
 上青紋肚脹腸鳴瀉下糟粕疳者停積宿滯水穀不聚洩下惡物腫
 疳者虛中有積肚腹緊急腸胃受濕頭面手足虛浮勞疳者潮熱往來
 五心煩熱盜汗骨蒸喘嗽枯悴渴為飲水肚硬如石面色如銀無辜疳
 者腦後項邊有核如彈丸按之軟動不疼其內有虫若不針破取出肉
 食臟腑肢體癢疽便利膿血壯熱瘦削頭露骨高又曰兒衣夜露為鷓
 羽所污亦致此症丁亥疳者手足極細項小骨高尻削體癢腹大臍大

號哭胸陷喘露疳者虛熱往來頭骨分開翻食吐虫煩渴嘔噓走馬疳者牙齒爛蓋齒腎虛受熱疳火上炎致口臭齒黑甚則齲爛牙宣疳症如此之多皆不出於五臟其治之法其肝疳用地黃丸以生腎水心疳用安神丸以治心異攻散以補脾脾疳以四味肥兒丸治之五味異攻散以生土肺疳以清肺飲益氣湯以清金胸疳亦用地黃丸無毒疳用大蕪荑丸蟾蜍丸選而用之丁奚哺露疳者用肥兒丸大蘆會丸主之走馬疳用敷雄黃散再服蟾蜍丸又若渴瀉痢腫癆瘵等症又當參諸方施治又與此疳不同論矣所謂疳者乾也因脾胃津液乾涸所致也在小兒爲五疳在成人爲五勞大抵補益胃氣爲主

大蘆會丸 治疳殺虫和胃止瀉

胡黃連 川黃連 白蕪荑 藜蘆會 木香

青皮

白雷丸

破開赤烏虱 微炒各五錢

射香

二錢 另研

右爲末粟米飲爲丸藜豆大每服十五丸米飲下按此方肝脾疳症食

積發熱目生雲翳疳熱頭項結核或耳内生瘡肌肉消瘦發熱作渴飲
食少進肚腹膨脹或牙齦蝕落頰腮腐爛或陰囊生瘡胸脇小腹作痛

治之並効

六味加鱧丸

治疳化虫退熱

陳皮

黃連

川練子

神麩

麥芽

炒各五錢

白燕羹

五錢

蟾蜍

一兩

右為末糊丸麻子大每服二十九空心米飲下亦可治脾疳肌肉消瘦
肚大頸小項邊結核發熱口渴好食泥土口鼻生瘡肚大青筋齒齒下
痢便曰五疳俱用

十全丹

治丁奚哺露二症

青皮

陳皮

川芎

五靈脂

白豆蔻仁

檳榔

蘆薈

各五錢

木香

史君子

焙

蝦蟆灰

各二錢

右為末者膽汁侵糕糊丸麻子大每服二十九米湯下如發熱薄荷

四味肥兒丸 治嘔吐不食腹脹成疳作瀉不止或食積脾疳目生翳障
口舌生瘡牙齦腐爛發熱瘦怯遍身生瘡小便澄白腹大青筋一切
症並皆治之

黃連炒

蕪荑

神麩

麥芽炒等分

右為末水糊丸梧桐子大每服二十九丸空心白滾水送下

論小兒病中尋衣撮空許非微謂之肝熱肝主筋筋脈血枯而風引之故
手指為之尋衣撮空也宜用六味地黄丸間或有回生之功錢仲陽曰
此當治肝經實熱用瀉青丸可也蓋有尋衣撮空者皆病中壞症耳求
其實熱百無一二矣王海藏曰凡治血脫尋衣撮空模床掉手楊頭錯
語失神脈弦浮而虛血脫內燥熱之極耳氣粗鼻乾最難調治宜生地
黃連湯主之

生地黃連湯

川芎

生地黃

當歸各七

赤芍

梔子仁

黃芩

黃連 各三錢

防風 一錢五分

右切每劑三錢煎服

按小兒喜笑不休者何也經曰心藏神有餘則笑不休又曰在臟為心在聲為笑在志為喜又云火之太過為赫曦上之紀其病笑譁狂妄又曰少阴所至為喜笑又曰精氣并於心則喜此數言皆明屬心火也先用黃連瀉心湯又用六味地黃丸取效或因肝火熾盛而挾心火用柴胡清肝湯取效尤速

黃連瀉心湯 治心經實熱

宣黃連 犀角 半分

右切一劑煎服

柴胡清肝湯 治肝盛挾心火喜笑不休三焦風熱及有怒火相乘此

柴胡 一錢五分 黃芩 人參 川芎 各一錢 山枝子 炒 一錢

連稍 五分 甘草 一分 桔梗 八分

右切一劑煎服

攻胃散 治吐瀉不食脾胃虛冷先用數服以益中州之法助氣之妙

人參

白朮

甘草

陳皮

白茯苓

各五分

右為末每用二三錢薑棗煎湯調服

蘭香散 治外疳鼻下赤爛

蘭香葉

二錢燒存性

銅青

輕粉

各五分

右為末乾付之

保幼化風丹 治小兒有熱熱盛生痰痰盛生驚驚盛發搐甚則牙關緊

急而四証八候焉四証者驚風痰熱是也八候者搐搦掣顛反引窺視

搐則兩手伸縮搦則十指開合掣則勢如相撲顛則頭偏不正反則身

仰向後引則臂若開弓窺則目直似怒視則露眼不活是也此化風丹

悉能治之

南星

半夏

川烏

白附子

各二兩

鬱金

五錢

右為末裝入臘月黃牛胆內陰乾百日取出研末每一兩入雄黃硃砂

礪砂燂硝各一錢片腦射香少許爲末煉蜜丸如豌豆大燈心薄荷煎湯研化下一丸前方吾所採取效者果合病症依方選用萬無一失

諸虫方論

經云人之身中有八萬尸虫與人俱生狀如馬尾或如薄筋出則在脾入則五臟居之然人亦不盡有亦不盡去古方言臟腑九虫其寡有無固未可必亦當備之虫名以廣其見九虫者何一曰伏虫二曰白虫三曰肉虫四曰腰虫五曰胃虫六曰弱虫七曰赤虫八曰蟻虫九曰虱虫俗謂食虫是也其由臟不實脾胃俱虛其生冷油膩甘肥之物節宣不時腐敗停滯所以生發諸虫蓋虫之爲病嘔惡吐涎口出清沫痛有去來乍作乍止又有兒童疳蠱昏聩煩燥鼻爛齒齦生瘡下利黑血其傷寒濕蠱之証虫食下部爲狐下唇生瘡虫食其臟爲惑上唇生瘡諸人總括言之詳矣

化虫散

雷丸 二個

鷄心檳榔 二個 鶴虱 一錢

史君子 七枚 去壳

右為末入輕粉少許分作二服當晚用精猪肉一两切片待用以皂角漿水浸一夕至五更微火炙熟又用麻油少許抹於肉上候溫取煎末一服糝於肉上畧烘片時空腹食之至午刻其蟲自下乃進飲食

萬應膏 下諸蟲

檳榔 五錢

大黃末 八兩

黑牽牛 兩

皂角錠不蛀者練根皮 一斤

右件將皂角苦練根二味用水一大碗熬成膏子一處和勻前藥研細為丸先用沉香衣后用雷丸木香衣每服三丸四更時砂糖水送下至午間蟲自通下

叙方 消化蟲毒在腹作痛

檳榔

石榴皮 焙乾 各二兩

紅丹 一錢

雷丸

貫衆 加鷄頭者

史君子 各二錢

大黃 五錢

甘草

枳壳 各五錢

右為末清油打薄鷄子餅抄藥一錢於餅內捲而空心服之小兒用糝

米糊丸粟米大每服二三十丸用猪肉汁送下

蠱毒方論

蠱毒之症種種不同皆妖魅變惑之氣其恠使然或曰人之造作致蟲蛇之類以盆盛之任其自相噉食其中有一存者則以為之蠱暗納酒食之中以毒其人凡中蠱毒不論年月遠近但煮一鷄卵去壳用小銀簪挿入其中仍含入口一飯之時取出視簪卵俱黑即是中毒又法先置水一碗吐津液入其水中津液如沉於水為蠱浮則非也其候面目青黃力之身痛唇口乾焦煩燥而悶胸脇妨滿肚腹皮堅腹中切痛如蟲走嚙唾吐鮮血小便淋瀝大便膿血病人所食之物變化為蟲侵蝕臟腑蝕盡而死則病氣流注能染傍人其蠱毒如此之甚可不畏哉或用藥已瘥永不可服寒冷之物若飲食帶冷鬼氣乘之蟲毒復生竟不能救矣可不慎歟

保蠱丹

治諸蠱毒一切藥毒神妙僊方

礞砂淨研細

大山豆根五錢雄黃

黃丹

射香

黃藥子

續隨子

生於末各二錢五分

巴豆

二錢半不去油班猫二錢頭通身

糯米五錢

赤蜈蚣

二條一交一生

右各修治入乳鉢研和於端午重陽臘日據此三日隨便修合勿令

一人鷄犬見用糯米丸如圓眼大陰乾磁盒貯之每用一丸好茶清調下

不可嚼破病人自覺心頭如拽斷皮條之聲毒物隨下或自口出或自

大便出嫩則成血老則成驚其藥丸凝血而下以水洗淨收之可救三

人如中毒口噤撥開牙關灌此丸下無不取效或蛇蝎諸毒用好醋磨

敷患處立解每忌酒肉熱毒之物惟粗軟飯食可也或急用此丸吉日

修合不可拘端午重陽臘日矣

解毒丸 治諸蠱毒症

生明礬

一兩

好茶葉

一兩

右為末每用三錢滾白水調送下

東坡雄黃丸 一治蠱毒蛇蝎畜獸諸毒証

雄黃

白明礬 生研各等分

右端午日研末黃蠟為丸梧桐子大每服七丸念

藥王菩薩藥上菩薩七遍熱水送下

喉痺腮腫

此二症病雖不全皆由風毒之氣客於咽喉與血氣相搏不散而結成腫毒若治之稍緩延至三五日久熱入於心胸之內其兒必煩亂不食耳甚則不治宜急用金星丸連喬漏蘆湯連喬湯清涼飲子等方治之及升麻牙硝牛黃硼沙等藥切不可妄投他藥以人命為僥倖也

金星丸

雄黃

鬱金 各二錢

膩粉 六分

去皮巴豆 七枚

右為末醋調極勻復用醋打糊為丸如粟米大薄荷湯下

滑涼飲

芍藥

連翹

大黃

吐以風

山梔仁

當歸

甘草

各等分

右剉散每飯後服一錢八分用水一小盞煎四分服

漏蘆湯

漏蘆

白欬

升麻

麻黃

連翹

黃芩 各八分

枳壳

甘草 各六分

右共為粗末每劑一錢三分水一小盞煎去五分去滓不拘時溫服

碧雪至靈方 專治心肺積熱上攻咽喉腫冷壅塞水漿不下

歌曰 碧雪真青黛 礪砂與焰硝 蒲黃甘草煎 爾慘咽喉

桔梗湯 治小兒咽喉腫痛風熱等毒

桔梗 五錢

荊芥

防風 去芦

薄荷葉

枯黃芩 各一錢

甘草 五分

右剉一劑水煎食遠勤溫服每灌半盞

一喉痺俄發俄死者名走馬喉風 一乳蛾差小者名喉痺 一熱結咽

喉且麻且痒名纏喉風 一痺症止一傍腫者號曰單乳蛾十難一治
一痺症兩傍俱腫者號曰雙乳蛾十治其九

外感

八物祛寒散

治小兒感受風邪鼻塞痰嗽發熱

白木

白芍

薄荷

細辛

甘草

桔梗

瓜蒌根

人參

右剉一劑生薑一片白水煎熱服

九品祛寒膏

治外感風寒內積驚風咳嗽喘促痰涎潮熱等症

薄荷

天麻

薄荷

前胡

人參

獨活

羌活

地骨皮

川芎

桔梗

小甘草

右共為末煉蜜丸如半夏大每服一九薑湯研下

一 小兒四肢水冷

此丸點倦怠此胃氣虛而外感風邪也先以八

物祛風散表其風氣而手足猶覺微冷必用六君子湯服二

刺諸症

一小兒沾

效驗後

恙余難

聞之嘆

胎寒 受胎之時其母感冒風寒兒初生下面色青白四肢厥冷大便黑

小腹痛口冷宜用太陽湯主之

太陽湯

龍骨

當歸

桂心

黃芩炒

黃芪

細辛

甘草

各等

右共為細末每服一字乳汁調下

胎熱 受胎之時重蓋衣被熱氣熏蒸以致兒生下時身熱面赤焦啼變

熱口中氣熱等疾

大黑豆三錢

淡竹葉

十片

小甘草

一錢

右剉一劑燈草白水煎勤進之每進半盞

胎驚

猪乳膏

琥珀防風辰砂各一錢研細末以猪乳調一字拭入口中

安驚上乘散 治胎家受驚及生下旋發驚未滿一二月者

牛黃真者五分 硃砂另研細末 金箔大者二片小者十片

右三味和勻用猪乳汁調稀抹入口中其效响應

天吊 以鈎藤散主之 此症屬於陽壯熱驚悸眼目番慈手足抽掣或啼或喜怒不常由乳母酒肉過度毒氣入乳之致

鈎藤至效散

人參 當歸 蝎子去尾足一個 鈎藤各五錢五分 天麻

甘草各 右剉一劑水煎母子全服

中惡 以辟邪膏主之

辟邪百應膏 兒心腹刺痛悶亂困倦卒中惡毒所致者

沉香

白茯苓

白茯苓

真降香

各五錢半

犀頭骨

白交香

大秦歸

揀人參

大粉草節

各四錢

右為末用煉蜜為膏每用二三匙白滾水送下

鼻病論

凡小孩三日五日忽爾鼻塞其中如有物然嚏之不下其實無所有也甚至不能吃乳不能呼吸此乃乳母失調睡時氣灌兒顛門內或每日洗兒之水溫涼失宜洗後不避風寒以致小兒鼻塞宜以消風散服二三劑或有驚悸作熱者薄荷湯服二三劑又有鼻衄者乃熱搏於氣而乘於血益肺主一身之皮毛口氣開竅於鼻寒氣先客皮膚伏於皮而成熱熱乘於血血得熱而妄行從鼻出者名鼻衄也或未及發汗而鼻燥喘促鼻氣鳴而即衄宜並用古方未減而服以黃芩湯犀角地黃湯之

黃芩湯消風散方註前卷中

薄荷湯 治小兒鼻塞不通及夾驚傷寒極熱變蒸

薄荷 五錢

全蝎

麻黃

僵蚕 各一錢

天竹黃

白附子 各錢半

右為末薄荷湯下或水煎服

若鼻中生瘡乃熱壅傷肺肺主氣通於鼻風濕之氣乘虛客於皮毛入於血脉故鼻下兩傍瘡濕痒爛是名鼻齬其瘡不病汁所流處即能成瘡用四品通靈散二服見效

四品通靈散

澤瀉

鬱金

山枝仁

小井草節 各二錢五分

右為細末用井草煎湯食後服

目病

地黃拔毒膏 治小兒患眼痛痛而復腫者

用乾地黃一兩以旋汲井水浸過候一時久搗爛貼脚心

通慧如神散 治小兒赤眼腫痛

雄黃 四錢半

芒硝 五錢半

黃連 三錢切半焙干研末

右共為細末用小管吹入鼻內流清水自流熱泪即效

光眸清肝飲 治嬰孩肝部受風受熱雙目赤腫痛疼兼肝經積熱雙目

直視不搖得心熱則搖直目連割或目遍眶青色或臍腑冷泄不止諸

方亦不能效服此立見奇功

川芎

歸尾

山枝

龍胆

大黃

獨活

防風

木澤

羊籤

右為末煉蜜丸如半夏大砂糖湯噙化一丸

大小便閉論

經云調理小兒煩燥作渴夾積傷滯膈滿脹急肌休羸瘦日夜潮熱及傷

風傷暑頭目昏沉不思乳食夾驚夾食大小便秘並宜大連喬湯八正

散及掩臍法加減用之若止大便秘此乃肺家有熱流入大腸以致大

便不通乃實熱也當以四順清涼飲加山枝黃芩利之其表裏俱熱者

先以大柴胡湯汗之汗后用蜜導胎導二法取效尤捷止小便秘者乃

心經不順或伏熱或暴驚心火上炎不降腎水不能上升故心經愈熱而小便秘也蓋小腸與心合也亦宜八正散木通散主之再或臍腹脹悶心神煩熱則以梔子仁散及疾疝末頃麻末猪尿胞等方尤能取效後學宜採而用之百無一失

掩臍法 治大小便秘

海螵 十枚

葱頭 連土七根

黑豆 十枚

鹽 少許

古方

用鮮猪胆一個和米醋少許以小竹管輕輕套入谷道中少頃則通宜防之蓋酸味益陰潤燥故也

又方 卽審導法小兒便秘或不肯服藥與服藥無功者用生蜜煉成結砂如蔗糖形狀乘溫熬成小條子納入谷道卽通加皂角末亦可

小便閉三方

一用頃麻燒灰存性爲末用黃酒調溫服

一用野地上所生蒺藜子焙黃色研末無灰酒調服

一用猪尿胞一個去尿用鵝毛去小頭去羽挿入孔內縛定用力吹之令氣滿胞內旋將管口向小便頭上手搓其氣透裏卽通

發斑 發斑有二候有溫毒發斑有胃爛發斑溫毒斑乃冬月感垂戾之氣至春方發用葛根橘皮黃連湯主之胃爛斑乃傷寒未下之故及下早亦能發斑用玄參升麻湯主之

黃連橘皮湯 黃連麻黃乾葛各一兩陳皮枳實杏仁甘草各七錢
右切散每服二錢半白水煎溫服

右方 治發斑肌膚斑爛癰疹如錦紋者

玄參升麻湯 玄參升麻各三錢五分炙甘草二錢

右判散每用一錢八分水二中煎七分作三次服

又方 治傷寒汗下毒氣未散熱發於外斑爛如錦紋者

防風通聖散 專治嬰孩身上發風斑及脚上紅腫宜以此方為主但須

去硝黃加酒炒黃連山枝為末服外以本方加減煎淡湯頻洗之又
須於背風處洗自見奇效

傷食 和脾消食散 治小兒為食所傷以致腹痛久服此方日見消化

陳皮 南香附 不油白木 陳壁土 炒二錢半 四花青皮 去穰各七分

神麴 麥芽 山查 甘草 炙五分 砂仁 去壳各一分

右為細末每服一錢五分清米飲下或白滾水下生薑加一片亦可

有熱加炒山枝黃芩 有寒加吳茱萸蒼朮

扶脾保元至聖湯 此方藥九味治病九項味味對症善能消食化積止

瀉止吐止嗽消疳消脹消黃定腹疼

陳皮 溫水洗 去白 澤瀉 山查肉 甘草 炙各五分 錢五分 白木

白茯苓 乾山藥 棟人參 去片 蓮肉 去皮心 各一兩

右為末煉蜜丸如小赤豆大每用空心米飲下三十五丸或為餅以米

飲研化服之亦能取效

熱症

大連喬飲子 專治心經邪熱鬱積

赤芍 牛蒡子 車前 其麥

連喬各錢

梔子 防風 黃芩 荊芥

蟬退

滑石 當歸 木通各一錢五分 甘草

右切五合十日服之用燈心竹葉煎七分服

胎熱瘡疥余熱毒加薄荷 癰疽癰熱毒加芒硝

實熱丹熱加芒硝大黃

風痰熱加麥門冬半夏

桃生方論

人之愛身不可輕於濯水江南河海諸渚有射工毒垂其形黑如肉穢口中橫骨如角弓狀原生於諸渚溪澗或因久雨大水遂入人家含砂射人之影犯之發寒發熱悶亂頭目俱痛亦如中尸卒不能語又有水

毒虫一名溪瘟犯之與射工之症相若有爛瘡為射工無爛瘡為溪瘟
又有沙虱虫細如疥虫視不得見阴雨則出草間著人鑽入皮裏刺如
針芒是三者為病朝輕暮重皆能殺人治之不早變生飛蠱而入病身
敢食五臟而死桃生之毒其亦一類耳桃生尋曰飲食過度魚肉果菜
茶湯酒醋之中皆能挑毒以中人自嶺南率尋其候初覺胸腹作痛次
則漸漸攪刺十日生於腹中每能走動其胸痛虫生上膈其腹痛虫生
下焦在上膈者用胆礬五分投一盞熱茶之內候礬化通口服之良久
用鷄翎探而吐之在下焦者用川鬱金末二錢米湯調下即瀉出惡物
二者吐瀉之後用人參一錢白朮茯苓倍之為粗末新汲水和入磁器
中細火煨至半日約水二鍾煎至一鍾通口溫服當量病之輕重藥之
多少或一日一劑或二劑酌而用之其桃生蠱毒四字常上誦之抑有
所聞使其無容心焉二廣山谷間有草名曰開萼草又曰斷腸草以此
藥毒人急水吞之急死緩水吞之緩死故川廣之地其淫俗甚尋偶非

藥毒人急水吞 急死緩水吞之緩死故川廣之地其淫俗甚矣偶非
媒妁正婚爰用此藥陰置飲食之中誘人服之既食之曰汝寧南方
月某月蚤來用藥解之不傷性命或違期者藥不能解性命難救矣
此之說其淫俗可知矣知命君子亦當慎之

圍病無憂解毒丸 治挑生毒蠱毒藥毒早毒金石毒百虫毒蛇蝎毒及

瘡疽及鬼胎鬼氣並皆磨服其效如神

文蛤

一兩五錢
即五帶子

山茨菰

一兩
洗焙

紅牙大戟

七錢五
分洗焙

全蝎

五枚

大山豆根

續隨子

取仁去油
各五錢

射香

一錢

硃砂

雄黃

各二錢

右以前五味入木杓中搗羅細末次研后四味夾和糯米糊丸分作三
十五丸或端午七夕重陽隔日便擇一日淨室修合每服一丸生薑蜜
水磨下或外傷者井水研敷患處服之響響付之救病可謂神仙妙藥
也又名曰紫金錠是也

小兒吐瀉論

內經曰諸嘔吐酸暴注下迫皆屬於熱又曰濕勝則濡泄是也蓋小兒吐瀉皆由乳食過度傳化失常所以食鬱則成熱熱鬱則成酸酸而成吐成瀉此必然之理也又曰食滯於胃者為吐食滯於大小腸為瀉又產下其子吐而不休者曰胞胎中穢惡流於腸胃而為吐者亦有之矣錢氏所謂產下之初其子吐者曰拭兒口穢惡未淨嚥入喉中故有吐証宜木瓜丸主之凡兒之初生未發聲之先急梳去口中惡血就用黃連甘草煎汁灌入二三匙其后諸疾不作痘疹亦稀慎不可忽也至於發聲之后熱下惡血諸病由是而生不可不謹

木瓜丸

木瓜末

木香末

射香末

檳榔末

臙粉 各一字

右再研勻麩糊丸黍米大每用二三丸甘草湯下

燒針丸 治小兒吐瀉症

黃丹 水飛

硃砂

白礬 各一分

右為末棗肉丸黃豆大每用三四丸插針尖上燈焰火上燒過存性研末涼米泔水調下

瀉者食前服吐者不拘時外用鷄子清調粟豆粉成膏塗兩腳心瀉者塗額門愈則去之

參苓丸 治大人小兒脾胃虛冷嘔吐泄瀉及痘疹泄瀉並宜服之

人參 白朮 茯苓 山藥 木香

砂仁 各五分 肉豆蔻 各七 白豆蔻 各七 甘草 各三分

右為末煉蜜丸龍眼大每用一九清米湯下

山藥散 治小兒脾虛泄瀉症

山藥不拘多少半生半炒為末每服二錢空心砂糖和滾水調

白朮散 治吐瀉或病后津液不足口乾作渴此藥和胃生津止瀉利將

成慢驚風者

人參 五分 白朮 一錢 白茯苓 八分 乾薑 六分 藿香 八分

木香 三分

甘草 二分

右切一劑煎服

小兒瀉利將成慢驚加山藥扁豆肉豆蔻各一錢慢驚已作加細辛夫麻各一錢全蝎三個白附子六分冬月小兒吐涎多是胃寒胃虛所致加丁香二粒胃虛不能食大作渴者不可用淡滲之藥是胃中元氣不足之故宜用人參白朮補之加天花粉若能食而渴者宜白朮湯加人參若中氣虛熱口舌生瘡不喜飲冷服之神效

益原散

治夏月吐瀉極效

方註前卷中

按夏至后旬日若小兒吐瀉身熱此臟腑中有熱或傷乳食吐乳不消化利深黃色宜玉露主之

玉露散一名甘露散

石膏

寒水石 各五

生甘草 二錢

五分

右為末每用五分溫水調下

按六月大暑后小兒吐瀉身溫似熱是臟腑中六分熱四分冷也嘔吐乳

食不消瀉黃白色或食乳不食乳宜進益黃散食前則可食后又進玉
露散為穩 丹溪先生用五苓散去桂倍白朮蒼朮或入益原散米湯
調下尤效

按七月之秋后七日也小兒吐瀉身溫涼臟腑中三分熱七分冷也不能
食乳似睡悶亂哽氣睡常露睛唇白多噓欲大便不渴食前多進益黃
散食后少進玉露散

按八月秋分后小兒吐瀉身冷是無陽也不能食乳乾噦渴甚宜補脾益
黃散主之不可下也

按小兒吐瀉泄黃傷熱乳也吐瀉泄青傷冷乳也皆當下之用白餅子董
傷熱乳者宜玉露散傷冷乳者宜益黃散溫中丸並宜下後進之亦有
不須下者但服此藥可愈

白餅子

滑石

輕粉

半夏

南星

各一

巴豆

十四枚
去油

右研白巴豆入前藥用糯米飯丸菘豆大再捏作餅子一歲以上用三五餅或一歲以下者用一二餅薄何湯送下

溫中丸

人參

白朮

甘草

右末薑汁麩糊丸菘豆大每用一二十九梗米湯送下

小兒腹脹論

夫腹脹者由脾胃虛氣攻作也如有實者必悶亂作喘而滿法宜下之其不喘滿者虛也法不宜下若誤下之以致脾胃反虛則氣上附於肺肺於脾臟母子皆虛甚則自胞腮腫色之黃者屬脾治宜榻氣丸之類腫不見消漸加丸數則愈不可用丁香木香桂皮豆蔻溫散之藥治之若脾虛服而不喘者施於溫散之劑則可也使上下分消其氣如虛氣附肺而行則脾胃內弱每生虛氣達於四肢面目矣大凡小兒易虛易實脾虛不受寒溫服寒則生冷症服溫則生熱症不可不知矣如胃久虛挾熱多生瘟病或引飲不止脾虛不能勝溫隨肺之氣上行面目而透

於四肢如水之盛溫氣浸浮於肺者則大喘也此當進搗氣丸而愈又當參諸方書以通變施治崇小兒方脈者名曰啞科所以難為也宜之

搗氣丸 治小兒虛腫腹大者加萊菔子此方又名椒蝎丸

胡椒 一兩 蝎尾 五錢去毒 木香 一錢

右末麩糊丸粟米大每用五七丸至十九丸陳米湯下

荀蘇湯 治小兒腹脹

蘿蔔子 紫蘇梗 乾薑 陳皮各等分 甘草 二分

白木 六分 右切一劑煎服

消積丸 治小兒有食積結糞小便黃微喘脈伏而實時欲飲水能食者可下之

丁香 九粒 砂仁 十二枚 巴豆 二枚去油 心膜皮

右末麩糊丸黍米大三歲以上三五丸以下者一二丸溫水送下

小兒腹中虛腫先服搗氣丸不愈者宜進此藥蓋肺初虛而后結有其積

宜先補脾而后下又宜再補其脾則愈不可補肺恐生虛氣之故耳

紫霜丸 治小兒宿滯不化胸腹痞悶脹滿泄瀉如痢當以此藥推蕩之

杏仁 五十去皮尖研 代赭石 火煨罈淬一兩 巴豆 三十個去油膜炒紫色 赤石膏 末一兩

右研末湯浸蒸餅丸黍粒大三歲以上三九乳汁下

夜啼論

錢氏曰小兒夜啼者脾臟冷而痛也當用溫中藥宜益黃散主之花火膏

之類又云心經蘊熱宜用黃連甘草竹葉等藥釺而啼者邪熱乘心也

宜安神丸主之鈎藤散選佐之

益黃散 註前卷中 安神丸 註前卷中

鈎藤散 治小兒夜啼

鈎藤 白茯苓 茯神 各一錢 川芎 五分 當歸 一錢

木香 五分 甘草 一分 右末每用一錢薑棗湯調下

心熱煩啼面紅舌白小便赤澀去木香當歸加硃砂末木通煎湯下

乳頭散 治小兒夜啼腹中疼痛

黃芪

當歸

甘草

赤芍

木香

右各等分為末搽母乳上令而吮之食乳而進藥

六神散 治小兒腹痛啼哭面赤口中冷氣四肢曲腰而啼或大便泄

食乳等症

人參

山藥

白朮

各五錢

甘草

二錢

茯苓

扁豆

各一兩炒

右末每用一錢薑棗湯調下

仙蟬散 名安神散治小兒夜啼不止狀若鬼祟

蟬蛻七個用下半截物生用一字薄荷湯下入酒少許調下如神或

者不信將上半截為末服之復啼如初所謂醫道通仙莫知其妙

解顛論

大小兒頭縫不合者名曰解顛原因母之氣虛與熱也錢氏曰顛不合者

腎氣未足須長必少笑目白睛反面眦色瘦髮愁少喜丹溪用四君子

四物湯治之有熱加黃連酒炒用之其患處當用帛繫束不可以風及用白歛末敷之醫者自當廣其識也亦用此法助功

四君四物合曰八物湯 方註前卷中

脫囊

按小兒脫囊者其陰囊腫大墜下而不收也又有囊皮脫爛者又有皮脫而兩丸之露者囊皮脫爛者用野紫蘇葉為末香油調敷皮脫兩丸露者用青皮葉裹其囊而敷前藥末加黃芪末少許取效甚速皮囊脫爛者用木通甘草黃連當歸黃芩等藥治之大抵以涼血退熱為主

脫肛

野紫蘊者向背俱紅是也各處有種之者

按小兒脫肛者是肛門腸頭脫下是也

用五倍子不拘多少微炒為末敷之頻頻托上為妙

參倍壁土散

苦參

五倍子

陳壁土

右等分水煎湯洗次用

末搽上即愈

又方

用蟹頭不拘多少燒灰存性香油調敷又曰燒蟹頭取烟薰之良久自上而愈

又方

百年塵土不拘多少滾湯泡水先薰后洗自然收上

赤癩

按小兒赤癩各曰赤遊風也此曰熱毒每起於腠理搏於氣血發於皮膚之外其色赤朱后註方治

生地黃

木通

荆芥

芍藥

棗仁

右切一劑煎服

若有寒者須帶表藥外用芒硝泡湯洗之又用芭蕉取汁抹之

錢氏用白玉散敷之最效

白玉散 治小兒赤瘡

白堊 五錢即壁上也 寒水石

右末酒醋調敷

弄舌

按小兒弄舌者曰脾經微熱令舌絡微緊時將虛舌舐之勿用冷藥及下少與瀉黃散主之有欲飲水者非熱也曰脾胃中津液之涸切不可下大病后亦有弄舌証宜詳之

瀉黃散

藜蘆香

七分

梔子仁

一分

石膏

五分

甘草

七分

防風

四分

右切一劑入蜜酒少許煎細服

龜背

按龜背者由肺熱脹滿攻於胸膈即成龜背之狀宜瀉白散主之又有兒生下候客風入脊逐於骨髓即成龜背狀治以龜尿點其骨節亦見有

效矣姑錄之以應后之患者

瀉白散

菜白皮 一錢 蜜炙黃色

地骨皮 一錢

甘草 炙五分

黃芩 一錢

右切一劑煎服

取龜尿法置龜於蓮葉上其尿自出

按小兒重舌木舌者是乃舌下又生舌也大抵多熱當用三稜針舌下紫

脈處刺出惡血再用竹瀝調蒲黃末傳重舌處無有不效

按小兒鵝口瘡者曰白屑滿生口舌及其兩腮故名鵝口

古方用髮纏指蘸濕井花水遠口繳拭其白屑盡粘髮指務令乾淨

以煨過黃丹少許付上即愈

又方 用羊油不拘多少搽入口中其鵝口即時見效

又方 用白楊木枝燒於刀上取汁付鵝口神效

三品啟關散 治孩提口爛滿口生瘡不能進

用青鹽細辛黃柏等錢為末噙之立見吐出惡涎過三日即愈

靈應散 治小兒口中百病鵝口重脣不能吮乳及咽喉腫塞諸候

硼砂 片腦 牛黃各一分 雄黃 辰砂

青黛各一分 黃連末九分 黃柏七分

右為細末每少許敷口內

瀉心湯 治小兒口瘡

用黃連一味為末每服一錢蜜水下

按小兒口舌生瘡是心脾二經受熱口瘡見赤者心熱也口瘡見黃者脾熱也口瘡見白者脾冷也法用吳茱萸末調付兩脚居心之中移夜即愈此藥須是熱性最能引熱下行其功至妙恐人未得知之

按小兒撮口臍風者目臍斷傷風或是尿入泡中或水透入於臍遂成此証發熱面赤啼聲不出鼠為危症

蜈蚣散 治小兒撮口臍風

赤足金頭蜈蚣 一條

瞿麥 五分

蝎梢 四個

僵蚕 四個

右末吹少許入鼻如有叫聲嚏噴者可治或后用薄荷湯調下

通五膏 治小兒臍風撮口

生地黄

生薑

葱白

萊菔子

田螺肉

右各等分共搗搭臍四圍一指厚抱住候一時有屁下洩而愈

香螺膏 治小兒臍風腫硬如盤

田螺三個入射少許搗爛搭臍片時再易腫痛立消

獨神散 治小兒撮口臍風

全蝎七個去尾每個用中一截共七截火焙乾為末乳汁送下小兒

頭上汗微出而愈

按小兒虫痛者口中沃沫時吐清水所謂小兒脾胃寒冷故虫動而心頭痛與癩症畧有相似但目不斜而手不搔耳宜安虫散主之

安虫散

黃粉炒黃

檳榔

川練子

鶴虱各二兩

枯礬一分

右末每用一字至長大每用五分温末湯送下臨痛時服

集效散 治小兒虫痛

木香 二錢 鶴虱 炒三錢 檳榔 五錢 柯子肉 三錢 燕薹 三錢

乾薑 炒二錢 大黃 三錢 烏梅肉 五錢 黃芩 三錢 黃連 三錢

右末煉蜜丸梧桐子大每用三十九丸陳皮湯下

二陳苦練湯 治小兒魃虫作痛

陳皮 白茯苓 半夏 甘草 苦練根

右切一劑煎服

先用糖蜜湯食之或炒肉食之引虫頭向上之故以其甜香之味而引

之后用苦練根不宜太多視兒之大小與之

追虫丹 治小兒虫積腹痛

巴豆 二錢 硃砂 去油

右鷄子一個開頂入裝前藥在內攪勻將紙糊口用稗圈子盛坐

水者熟令兒食之以茶清送下即打下虫積

追虫取積散 治小兒虫積食積熱積氣積或肚大青筋腹脹而痛等症

蕪荑仁

雷丸

錫灰

史君子

檳榔

黑牽牛

大黃

鶴虱

木香 各等分

右末或蜜或砂糖水調服二三匙取效

按小兒走馬牙疳一時腐爛侵蝕虫而唇舌口鼻牙齦臭爛不忍看聞者

宜用甘草煎湯洗淨令其血出用玉蟾散塗之若是牙疳用之立效

玉蟾散

蚶皮一味即蝦蟇不鳴不跳者是也用黃泥裹煨二錢五分

黃連 二錢

青黛 一錢

射香 少許

右末瘡乾香油調付瘡末搽上

鵝溺散 治小兒走馬牙疳一時爛腐即不故惟此方可治十全九者也

非我諛敵后學考之以證余之恒有在也

婦人尿桶中白垢火煨一錢入銅綠三分射香一分共為末付患處

神效此方是秘方也

五效散 治小兒牙疳神效

黃丹 水過用

枯礬

京棗

去核燒存性

右共末香油調付之立效

按小兒頭瘡胎毒等瘡症類于后

秘方 治症胎毒等瘡

白芷

五倍 各一兩

花椒

黃丹 各五錢

枯礬 二錢

右末其瘡濕糝末其瘡乾香油調付神效

秘方 治小兒肥瘡黃水瘡

紅棗

燒灰一錢

枯礬 一錢

黃丹 一錢

松香 一錢

官粉 五分

銀硃 三分

右末濕則糝之乾用香油調付

混元丹養元氣加脾胃清火退熱化痰理嗽定喘安神定驚法風止瀉消

積化痞止汗消脹利小便治小兒百病

黃芪

一錢

人參

一錢

白茯苓

二錢

茯神

二錢

山藥

二錢

砂仁

一錢

益志仁

去壳六錢

香附

一兩

木香

一錢

莪木

一錢

桔梗

一錢

遠志

一錢

甘松

八錢五分

甘草

一兩半

生牛黃

三分

辰砂

一兩

射香

一分

金箔

十片

滑石

六兩

右末煉蜜丸小雀卵大金箔為衣每用一丸米湯研化下

神仙萬億丸 治小兒百病如神

詩曰 神效仙方萬億丸赤脚真仙親口傳只用硃砂及巴豆不去巴

油各五錢酒煮五錢寒食麩丸如黍米用茶吞或令二三五丸

服管教萬病立時痊各引

外感風寒發熱薑蔥湯下出汗 內傷生冷飲食清茶下 心痛艾醋

湯下 赤痢茶清下 腹痛淡薑湯下 白痢薑湯下 霍亂吐瀉薑

湯下 赤白痢薑茶湯下 瘧疾寒熱薑湯下 心膨氣脹薑湯下

伏暑傷熱冷水下 諸虫作痛苦練湯下 大便閉結茶清下 小便

不通燈心湯下 積聚發熱茶清下 咳嗽喘急薑湯下 急慢驚風

薄荷湯下 凡小兒諸病用此百發百中不可妄傳宜自珍之

古方用寒食日取好酒煮白麪為餅再包極細白麪在內蒸熟去包皮
麪用內白麪收貯至五月五日午時焚香在淨室中入前二味藥末搗
勻丸黍米大依前法服大有神效

(Faint bleed-through text from the reverse side of the page)